

79299/1552

40

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY
OCT 9 1959

282
47
09

群書集事淵海卷之四十七

夷狄門

裔族

夷狄之苗裔世族

西羌出三苗之裔 後漢



西羌之本出自三苗姜姓之別也其國近南嶽及舜流四凶徙之三危河關之西南羌地是也濱於賜支至平河首縣地千里賜支者禹貢所謂析支者也南接蜀漢嶽外蠻夷西北鄰善車師諸國所居無常依隨水草地少五穀以產牧為業其俗氏族無定或以父名母姓為種號十二世後相與婚姻父沒則妻後

毋兄亡則納嫠嫂故國無鰥寡種類繁熾不立君臣無相長一強則分種為酋豪弱則為人附落更相抄暴以力為雄殺人償死無宅禁令其兵長在山谷短於平地不能持久而果於觸突以戰死為吉利病終為不祥堪耐寒苦同之禽獸雖婦人產子亦不避風雪性堅剛勇猛得西方金行之氣焉

羌人爰劍為豪後漢

羌無弋爰劍者為秦厲公所執以為奴隸後得亡歸而秦人追之急藏於巖穴秦人焚之有景象如虎為其蔽火得以不死既出又與剽女遇於野遂成夫婦女恥其狀被髮覆面羌人因以為俗遂俱亡入三河間諸羌見其神怪共畏事之推以為豪河湟間少五穀多禽獸以射獵為事爰劍教之田畜廬落種人依之者日益衆羌人謂奴為無弋以爰劍嘗為奴隸故因名之其

後世世為豪

巴郡五姓之族後漢

巴郡南郡蠻本有五姓巴氏樊氏暉氏相氏鄭氏皆出於武落鍾離山其山有赤黑二穴巴氏之子生於赤穴四姓之子皆生黑穴未有君長俱事鬼神乃共擲劍於石穴約能中者奉以為君巴氏子務相乃獨中之衆皆歎又今名乘土船約能浮者當以為君餘姓悉流唯務相獨浮因共立之是為廩君乃乘土船從夷水至鹽陽鹽水有神女謂廩君曰此地廣大魚鹽所出願留共君廩君不許鹽神暮輒來取宿旦即化為蟲與諸蟲群飛掩蔽日光天地晦冥積十餘日廩君思其便因射殺之天乃開明廩君於是君乎夷城四姓皆臣之廩君死魂魄世為白虎巴氏以虎飲人血遂以人祠焉及秦惠王并巴中以巴氏為蠻夷

君長世尚秦女其民爵比不更

板楯蠻夷之裔 後漢

板楯蠻夷者秦昭襄王時有一白虎常從群虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有邑郡閭中夷人能作白竹之弩乃登樓射殺白虎昭王嘉之而以其夷人不欲加封乃刻石盟要復夷人頃田不租十妻不算傷人者論殺人得以賸錢贖死盟曰秦犯夷輸黃龍一雙夷犯秦輸清酒一鍾夷人安之至高祖為漢王發夷人還伐三秦秦地既定乃遣還巴中復其渠帥羅朴督鄂度夕龔七姓不輸租賦餘戶乃歲入實錢口四十世號為板楯蠻夷閭中有渝水其人多居水左右天性勁勇初為漢前鋒數陷陳俗喜歌舞漢高祖觀之曰此武王伐紂之歌也乃命樂人習之所謂

巴渝舞也

西南夷諸國之號 後漢

西南夷者在蜀郡徼外有夜郎國東接交趾西有滇國北有邛都國各立君長其人皆椎結左衽邑聚而居能耕田其外又有舊昆明諸洛西極同師東北至葉榆地方數千里無君長辯髮隨畜遷徙無常自嶺東北有茆都國東北有冉駝國或土著或隨畜遷徙自冉駝東北有白馬國氏種是也此三國亦有君長

夷洲廼徐福採藥之所 後漢

會稽海外有東鯷人分為二十餘國又有夷洲及澶洲傳言秦始皇遣方士徐福將童男女數千人入海求蓬萊神仙不得徐福畏誅不敢還遂止此洲世世相承有數萬家人氏時至會稽市會稽東治縣人有入海行遭風流移至澶洲者所在絕遠不

可往來夷洲在臨海東南去郡二千里土地無霜雪草木不死
四面是山谿人皆鬚髮穿耳女人不穿耳土地饒沃既生五穀
又多魚肉有犬尾短如麝尾狀此夷舅姑子婦卧息共一大牀
略不相避地有銅鐵唯用鹿格為矛以戰鬪摩礪青石以作弓
矢取生魚肉雜貯大瓦器中以鹽鹵之歷月餘日乃啖食之以
為上肴也

夜郎姓竹後漢

夜郎者初有女子浣於遯水有三節大竹涵入足聞闐其中者
號聲剖竹視之得一男兒歸而養之及長之有才武自立為夜
郎侯以竹為姓國誌華陽武帝平南夷為牂柯郡夜郎侯迎降天
子賜其印綬後遂綏之夷獠咸以竹王非血氣所生亦為後
牂柯太守吳霸以聞天子乃封其三子為侯死配食其父今夜

郎縣有竹王三郎神是也

西南夷滇王之國後漢

滇王者莊蹻之後也漢武帝元封二年武帝平之以其地為益
州郡割牂柯越巂各數縣配之後數年復并昆明地皆以屬之
此郡有池周回二百餘里水源深廣而末更淺狹有似倒流故
謂之滇池河土平敞多出鸚鵡孔雀有鹽池田漁之饒金銀膏
產之富人俗豪怙居官者皆富及累世

湟中胡大月氏之別後漢

湟中月氏胡其先大月氏之別也舊在張掖酒泉地月氏王為
匈奴冒頓所殺餘種分散西踰葱嶺其羸弱者南入山阻依諸
羌居止遂與共婚姻及漢驃騎將軍霍去病破匈奴取西河地
開湟中於是月氏來降與漢人錯居雖依附縣官而首施兩端

其從漢兵戰鬪隨執強弱被服飲食言語略與羌同亦以父名
毋姓為種其大種其七勝兵合九千餘人分在湟中及令居又
數百戶在張掖號曰義從胡漢靈帝中平元年與北宮伯玉等
反殺護羌校尉冷徵金城太守陳懿遂寇亂隴右焉

槃瓠犬種後漢

南蠻者昔高辛氏有犬戎之寇帝患其侵暴乃募天下有能得
犬戎吳將軍頭者購黃金千鎰邑萬家妻以女時帝有五色毛
狗曰槃瓠魏略曰高辛氏有老婦居玉室得耳疾挑之乃得物
大如葡萄婦人感歎中覆之以槃俄頃化為犬其文五色
槃瓠色因名下令之後槃瓠遂銜人頭造闕衆怪而診之乃吳將軍
首帝喜而計槃瓠不可妻以女又無封爵之道欲報而未知所
宜女謂帝下令不可違信因請行不得已乃以女配之槃瓠負
女走入南山石室中險絕人跡不至今辰州盧溪縣是也於是女解去衣

裳為僕鑿之結著獨力之衣帝悲思之遣使尋求輒遇風雨震
晦不得進後生六男六女其後因自相夫妻織績木皮好染五
色衣服製裁皆有尾形其母後歸以狀白帝於是使致諸子衣
裳班蘭語言侏離好入山壑帝賜以名山廣澤號曰蠻夷今長
沙武陵蠻是也

吐谷渾分立西夷晉書

西戎吐谷渾慕容廆之庶長兄也其父涉歸分部落一千七百
家以隸之及涉歸卒廆嗣位而二部馬鬪廆怒曰先公分建有
別柰何不相遠離而令馬鬪吐谷渾曰馬為畜耳鬪其常性何
怒於人乖別甚異當去汝於萬里之外矣於是遂行廆悔之遣
其長史史那樓馮及父時耆舊追還之吐谷渾曰先公稱卜筮
之言當有二子克昌祚流後裔我卑庶也理無並大今因馬而

別殆天所啓乎諸君試驅馬令東馬若還東我當相隨去矣樓
馮遣從者二千騎擁馬東出數百步輒悲鳴西走如是者十餘
輩樓馮跪而言曰此非人事也遂止

吐谷渾葉延尊祖晉書

吐谷渾氏葉延性沉毅好問天地造化帝王年曆司馬薄洛鄰
曰臣等不學實未審三皇何父之子五帝誰母所生延曰自羲
皇以來符命玄象昭言著見而卿等面牆何其鄙哉語曰夏蟲
不知冬冰良不虛也又曰禮云公孫之子得以王父字為氏吾
祖始自昌黎光宅於此今以吐谷渾為氏尊祖之義也

侏儒國人長四尺

南史

侏儒國人長四尺又南有黑齒國裸國去倭四千餘里船行可
一年至又西南萬里有海人身黑眼白裸而醜其肉美行者或

射而食之

久閭氏後為蠕蠕

北史

蠕蠕姓郁久閭氏始神元之末掠騎有得一奴髮始齊眉忘本
姓名其主字之曰木骨閭木骨閭者首秃也木骨閭與郁久閭
聲相近故後子孫因以為氏木骨閭既壯免奴為騎卒穆帝時
坐後期當斬亡匿廣漢谿谷間收合逋逃得百餘人依純突隣
部木骨閭死子車鹿會雄健始有部衆自號柔然後魏太武以
其無知狀類於虫改其號為蠕蠕

高句麗立國

北史

高句麗其先出夫餘王嘗得河伯女因閉於室內為日所照引
身避之日影又逐既而有孕生一卵大如五升夫餘王棄之與
犬犬不食與豕豕不食棄於路牛馬避之棄於野衆鳥以毛茹

之王剖之不能破遂還其母母以物裹置暖處有一男破而出
及長字之曰朱蒙其俗言朱蒙者善射也夫餘人以朱蒙非人
所生請除之王不聽命之養馬朱蒙私試知有善惡駿者減食
令瘦駑者善養令肥夫餘王以肥者自乘以瘦者給朱蒙後狩
于田以朱蒙善射給之一矢朱蒙雖一矢殪獸甚多夫餘之臣
又謀殺之其母以告朱蒙朱蒙乃與馬達等二人東南走中道
遇一大水欲濟無梁夫餘人追之甚急朱蒙告水曰我是日子
河伯外孫今追兵垂及如何得濟於是魚鼈為之成橋朱蒙得
度魚鼈乃解追騎不度朱蒙遂至普述水遇見二人一著麻衣
一著衲衣一著水藻衣與朱蒙至統升骨城遂居焉號曰高句
麗因以高為氏

百濟立國 北史

百濟之國蓋馬韓之屬也出自素離國其王出行其侍兒於後
姪娠王還欲殺之侍兒曰前見天上有氣如大鷄子來降應古
有娠王捨之後生男王置之豕牢豕以口氣嘘之不死後徙於
馬闌亦如之王以為神命養之名曰東明及長善射王忌其猛
復欲殺之東明乃盍走南至淹滯水以弓擊水魚鼈皆為橋東
明乘之得度至夫餘而王焉初以百家濟因號百濟

曰陸眷 招誘疆盛 北史

徙何段就陸眷出於遼西其伯祖曰陸眷因亂被賣為漁陽烏
丸子大庫辱官家奴諸大人集會幽州皆持唾壺唯庫辱官無
乃唾曰陸眷口中曰陸眷因咽之西向拜天曰願使主君之智
慧祿相盡移入我眼中其後漁陽大饑庫辱官以曰陸眷為健
使將人詣遼西逐令招誘亡叛遂至疆盛

單于女就狼 北史

高車蓋古赤狄之餘種也初號為狄歷北方以為高車丁零其語略與匈奴同而時有小異或云其先匈奴甥也其種有狄氏素統氏斛律氏斛批氏護骨氏異奇斤氏俗云匈奴單于生二女姿容甚美國人皆以為神單于曰吾有此女安可配人將以與天乃於國北無人之地築高臺置二女其上曰請天自迎之經三年其母欲迎之單于曰不可未徼之間耳復一年乃有一老狼晝夜守臺嗥嗥因穿臺下為空穴經時不去其小女曰吾父處我於此欲以出天而今狼來或是神物天使之然將下就之其姊驚曰此是女口生熟乃辱父母妹不從下為狼妻而產子後遂滋繁成國故其人好引聲長歌又似狼嗥無都統大帥當種各有君長為性性猛黨類同心至於寇難翕然相繼無行

陣頭別衝突乍出入不能堅戰

突厥狼 北史

突厥本平涼雜胡姓阿史那氏魏太武帝滅沮渠氏阿史那以五百家奔蠕蠕山居金山之陽為蠕蠕鐵工金山形如兜鍪借號兜鍪突厥所以為號又曰突厥之先出於索國在匈奴之北其部落大人曰阿誘步兄弟七十人其一曰伊質泥師都狼所生也阿誘步等性並愚癡國遂被滅泥師都既別感異氣能徵占風雨娶二妻云是夏神冬神之女一孕而生四男其一變為白鴻其一國於阿輔水劍水之間號為契骨其一國於處折水其一居跋也處折施山即其大兒也山上仍有阿誘步種類並多寒露大日為出火溫養之咸得全濟遂共奉大兒為主號為突厥即納都六設也都六有十妻所生子皆以母族姓

阿史那是其小妻之子也都六死十母子內欲擇立一人乃相率於大樹下共為約曰向樹跳躍能最高者即推立之阿史那子年幼而跳最高諸子遂奉以為主號阿賢設此說雖殊終狼種也

突厥狼毒 北史

突厥者其先居西海之右獨為部落蓋匈奴之別種也姓阿史那氏後為隣國所破盡滅其族有一兒年且十歲兵人見其小不忍殺之乃刖足斷其臂棄草澤中有牝狼以肉餌之及長與狼交合遂有孕焉彼王聞此兒尚在重遣殺之使覓見在狼側并欲殺狼於時若有神物投狼於西海之東落高昌國西北山山有洞穴穴內有干壤茂草周迴數百里四面俱山狼匿其中逐生十男十男長亦託妻孕其後各為一姓阿史那即其一也

最賢遂為君長故牙門建狼頭纛示不忘本也

北狗國男狗女人 五代史

北狗國人身狗首長毛不衣手搏猛獸語為犬嗥其妻皆人然漢語生男為狗女為人自相婚嫁穴居食生而妻女人食云嘗有中國人至其國其妻憐之使逃歸與其筋十餘隻教其每走十餘里遺一筋狗夫追之見其家物必嚼而歸則不能追矣其說如此

匈奴諸部 五代史

奚本匈奴之別種當唐之末居陰涼川在營府之西幽州之西南皆數百里有人馬二萬騎分為五部一曰阿耨部二曰啜米部三曰粵質部四曰奴皆部五曰墨訖支部後徙居琵琶川在幽州東北數百里地多黑羊馬趨前蹄堅善走其登山逐獸下上

如飛

的斤祖系至傳交州 元史

玉倫的斤祖名不可罕無父母乃樹癭中生土人養既長尊為君傳至的斤三十餘君矣嘗數與唐人相攻戰久之議和親以息民罷兵於是唐以金蓮公主妻的斤之子葛勵的斤居和林其地有山曰天哥里于答哈言天靈山也南有石山曰胡力答哈言福山也唐使與相地者至其國曰和林之盛疆以有此山也盡壞其山以弱其國乃告諸的斤曰既為婚姻將有求於爾其與之乎福山之石於上國無所用而唐人願見的斤遂與之石大不能動唐人以烈火焚之沃以醲醋其石碎乃輦而去國中鳥獸為之悲號後七日玉倫的斤卒災異屢見民弗安居傳位者又數亡乃遷於交州

高昌國主樹癭而生 元史

巴而朮阿而忒的斤亦都護亦都護者高昌國主號也先世居畏兀兒之地有和林山二水出焉曰禿忽刺曰薛靈哥一夕有神光降于樹在兩河之間人即其所而候之樹乃生癭若懷妊狀自是光常見越九月又十日而樹癭裂得嬰兒者五土人收養之其最稚者曰不可罕既壯遂能有其民人土田而為之君長

異相

夷狄人有奇異生相者

龍伯國長人有壽 事文類聚

龍伯國人長三十丈生萬八千歲而死

高壽

夷狄有高年者

鮮卑老奴魏書

并州刺史畢軌送漢故度遼將軍范明友鮮卑奴年三百五十

歲言語飲食如常人時京邑有一人失其姓名食啖無十許人

彼縣令故舊傳供食之一二年中一鄉中輒為之儉時太原發

冢破棺中有一生婦人將出與語生人送之京師問其本

事不知也視其冢上樹木可三十歲不知此婦人三十歲常生

遜讓

夷狄有能讓立者

突厥叔姪讓立北史

隋文帝時突厥匈奴沙鉢略卒初攝國以其子雍虞閭性悞遣

令立其弟葉護處羅侯雍虞閭遣使迎處羅侯將立之處羅侯

曰我突厥自木杆可汗以來多以弟代兄以庶奪嫡失先祖之法

不相敬畏汝當嗣位我不憚拜汝也雍虞閭又遣使謂處羅侯

曰叔與我父共根連但我是枝葉寧有我作主令根本反同枝

葉願叔勿疑相讓者正六處羅侯竟立是為葉護

忠義

盡忠合義於本國者

渾邪蘇尼失俱死唐書

唐太宗貞觀八年頡利死贈歸義王謚曰荒詔國人葬之從其

禮火尸起冢灞東其口胡祿達官吐谷渾邪者頡利母婆施之

媵臣也頡利始生以故渾邪至是哀慟乃自殺帝異之贈中郎

將命葬頡利冢旁詔書侍郎岑文本刻其事于頡利渾邪之

墓碑俄蘇尼失亦以死殉

孝行

夷狄能孝父母者

吐谷渾視連絕遊田 晉書

西戎吐谷渾辟奚死世子視連既立通聘於乞伏乾歸乾歸拜為白蘭王幼廉慎有志性以父憂卒不知政事不飲酒遊田七年矣鍾慈地進曰明公奕葉重光恩結西夏雖仁孝發於天然猶宜憲章周孔不可獨追徐偃之仁使刑德委而不建視連泣曰先王追友于之痛悲憤升遐孤雖纂業尸存而已聲色遊娛豈所安也綱維刑禮行之將來臨終謂其子視羅曰我高祖吐谷渾公常言子孫必有興者永為中國之西藩慶流百世吾已不及汝亦不見當在汝之子孫輩耳

葉延縛草報父讎 北史

吐谷渾吐延被羌酋婁聰所殺有子十二人葉延少而勇果年十歲縛草為人號曰女聰每旦輒射之射中則嗥叫泣涕其母曰讎賊諸將已屠膾之汝年小何煩朝朝自苦葉延嗚咽若不自勝吞母曰誠知無益然罔極之心不勝其痛性至孝母病母三日不食葉延亦不食視書傳自謂曾祖奕洛韓始封昌黎公吾為公孫之子按禮公孫之子得以王父字為氏遂以吐谷渾為氏焉

視連絕之矣 北史

吐谷渾葉延死子碎奚立性淳謹三弟專權碎奚不能制諸大將共誅之奚憂哀不復攝事遂立子視連為世子委之事號曰莫賀郎華言父也奚遂以憂死視連立以父憂思不遊娛酣宴十五年

羅支天仁孝唐書

頡利可汗子疊羅支有至性既舍京師諸婦得品供羅支預焉其母最後至不得給羅支不敢嘗品肉太宗聞而嘆曰天稟仁孝詎限華夷哉厚賜之遂給母肉

友愛

夷狄友愛於弟者

辟奚思弟晉書

辟奚西夷之君也素友愛三弟既誅因恍惚成疾謂世子視連曰吾禍滅同生何以見之於地下國事大小汝宜攝之吾餘年幾命寄食而已遂以愛卒

事中國

能服事中國者

阿豺歸命北史

吐谷渾阿豺立自號驃騎將軍沙州刺史部內有黃沙周迴數百里不生草木因號沙州阿豺兼并氐羌地方數千里號為強國昇西強山觀墊江源問於群寮曰此水東流更有何名由何郡國人何水也其長史曾和曰此水經仇地過晉壽出宕渠始號墊江至巴郡入江廣陵入於海阿豺曰水尚知歸吾雖塞表小國而獨無所歸乎遣使通宋獻其方物宋少帝封為澆河公

高昌來貢宋史

高昌國漢車師前王之地有高昌城取其地勢高敞人民昌盛以為名焉後魏初沮渠無諱自署高昌太守無諱死茹茹以闕伯周為高昌王高昌有王始於此後魏至隋皆來貢獻

回鶻入貢宋史

回鶻本匈奴之別裔在天德西北娑陵水上後魏號鐵勒唐初號特勒後稱回紇其君長曰可汗自貞觀以後朝貢不絕

大食朝貢 宋史

大食國本波斯之別種隋大業中波斯有桀黠者探穴得文石以為瑞乃糾合其衆剽略資貨聚徒浸盛遂自立為王據有波斯國之西境唐永徽以後屢來朝

龜茲朝貢 宋史

龜茲本回鶻別種其國主自稱師子王衣黃衣寶冠與宰相九人同治國事國城有市井而無錢貨以花葉布博易有米麥瓜果西至大食國行六日東至夏州九日或稱西州回鶻或稱西州龜茲又稱龜茲回鶻自天聖至景祐四年入貢者五

內附

附於中國者

賢粟與衆來附 後漢

哀牢夷者建武二十三年其王賢粟遣兵乘單舩南下江漢擊附塞夷鹿多音多其種今見在鹿多人弱為所禽獲於是震雷疾雨南風飄起水為逆流翻涌二百餘里單舩沈沒哀牢之衆溺死數千人賢粟復遣其六王將萬人以攻鹿多鹿多王與戰殺其六王哀牢耆老共埋六王夜虎復出其尸而食之餘衆驚怖引去賢粟惶恐謂其耆老曰我曹入邊塞自古有之今攻鹿多輒被天誅中國其有聖帝乎天祐助之何其明也二十七年賢粟等遂率種人戶二千七百七十口萬七千六百五十九詣越巂太守鄭鴻降求內屬光武封賢粟等為君長自是歲來朝貢

沙州本漢燉煌故地唐天寶末陷于西戎唐宣宗大中五年張義潮以州歸順

渤海來降宋史

渤海本高麗之別種唐高宗平高麗徙其人居中國則天萬歲通天中契丹攻陷營府有高麗別種大祚榮走保遼東睿宗以為急汗州都督封渤海郡王因自稱渤海國併有扶餘肅慎等十餘國歷唐梁後唐朝貢不絕後唐天成初為契丹阿保機攻扶餘城下之改扶餘為東丹府命其子突欲留兵鎮之阿保機死渤海王復攻扶餘不能克歷長興清泰遣使朝貢周顯德初其酋豪崔烏斯等三十人來歸其後隔絕不能通中國太平興國四年太宗平晉陽移兵幽州其酋帥大鸞河率小校李勳等

十六人部族三百騎來降

請闕陳樂宋史

西南諸夷國王太宗至道元年其王龍漢瑋遣其使龍光進率西南牂牁諸蠻來貢方物太宗召見其使詢以地里風俗譯對曰地去宜州陸行四十五日土宜五穀多種秧稻以木弩射罽厥充食每三二百戶為一州州有長殺人者不償死出家財以贖國王居有城郭無壁壘官府惟短垣光進之說與前書所記小異故并叙之上因令作本國歌舞一人吹瓢笙如蚊蚋聲良久數十輩連袂死轉而舞以足頓地為節詢其曲則名曰水曲其使十數輩從者千餘人皆蓬髮面目黧黑狀如猿猴使者衣虎皮纒裘以虎尾挿首為飾詔授漢瑋寧遠大將軍封歸化王

蒙漢誠請闕貢獻宋史

蠻夷撫水州其酋皆蒙姓雖有畬田收穀粟其少但以藥箭射生取鳥獸盡即徙他處太宗雍熙中數寇邊境掠取民口畜產詔書招安補其酋蒙令地殿直蒙令札奉職咸平中又數為寇盜止令邊臣驅逐出境其黨狡獪者凡三十餘人宜州守將因擒送闕下上召見詰責之對曰臣等蠻陬小民為飢寒所迫耳上顧謂左右曰昨不欲盡令殺戮顧無噍類矣因釋罪賜錦袍冠帶銀綵戒勗遣之逾年酋長蒙頂等六十五人詣闕納器甲百七十事又蒙漢誠蒙虔瑋蒙填來朝上器甲數百及毒藥箭誓不搔邊比歲皆遣使來貢及輸兵器乃授漢誠官賜物有差

廣州夷族來歸 宋史

占誠太宗雍熙四年秋廣州上言雷恩州關送占城夷人斯堂李娘并其族一百五十人來歸分隸南海清遠縣

占城夷人來附 宋史

占城太宗端拱元年廣州又言占城夷人忽宣等族三百一人來附

大理慕義入貢 宋史

大理國即唐南詔也神宗熙寧九年遣使貢金裝碧玕山氈罽刀劍犀皮甲鞍轡自後不常來亦不領於鴻臚徽宗政和五年廣州觀察使黃璘奏南詔大理國慕義懷徠願為臣妾欲聽其入貢詔璘置局於賓州

上書

夷狄致書於中國者

南越王上書求援 史記

閩越王興兵擊南越邊邑胡使人上書曰兩越俱為藩臣毋得

檀興兵相攻擊今閩越興兵侵臣臣不敢興兵唯天子詔之於是天子多南越義守職約為興師遣兩將軍往討閩越兵未踰嶺閩越王弟餘善殺郢以降於是罷兵天子使莊助往諭意南越王胡頓首曰天子乃為臣興兵討閩越死無以報德遣太子嬰齊入宿衛

交州黎桓獻俘宋史

交州黎桓太宗太平興國六年上言欲以占城俘九十三人獻于京師太宗令廣州止其俘存撫之給衣服資糧遣還占城詔諭其王

獻方物

以本國產物獻于中國者

越裳獻白雉事文類聚

周成王時越裳獻白雉去京師三千四百里及漢平帝元始元年越裳重譯獻白雉一黑雉二詔使三公薦宗廟

西戎獻劔刀事文類聚

周穆王征西戎獻昆吾之劔亦刀也玉如切泥

時渠國貢火齊鏡事文類聚

周穆王時渠國貢火齊鏡廣三尺六寸暗中視如畫人向鏡中語則鏡中響應之

粵王佗奉貢職前漢

文帝元年南粵王趙佗因使者獻白璧一雙翠鳥千犀角十紫貝五百桂蠹一器生翠四十雙孔雀二雙

大宛國歲獻天馬前漢

大宛國王蟬封與漢武帝約歲獻天馬二匹

大宛國王... 鄯支國貢馬肝石 事文類聚

漢武帝元鼎間鄯支國貢馬肝石百升以之拭髮白者皆黑帝坐群臣於甘泉殿有髮白以此拭之應手皆黑是時公卿語曰不願方伯惟願拭肝石

烏孫大宛獻神馬 史記

武帝時烏孫使使獻馬願得尚漢女翁主為昆弟天子問群臣議計皆曰必先納聘然後乃遣女初天子發書易云神馬當從西北來得烏孫馬好名曰天馬及得大宛汗血馬益壯更名烏孫馬曰西極名大宛馬曰天馬

烏孫獻方物 史記

烏孫王以馬千匹聘漢女漢遣宗室女江都翁主往妻烏孫烏孫王昆莫以為右夫人匈奴亦遣女妻昆莫昆莫以為左夫人

昆莫曰我老乃令其孫岑娶翁主臣孫多馬其富人至有四五千匹馬初漢使至安息安息王令將二萬騎迎於東界東界去王都數千里行比至過數十城人民相屬甚多漢使還而後發使隨漢使來觀漢廣大以大烏郊及黎軒善眩人獻于漢

蠻夷獻白雉白兔 後漢

漢光武時十三年九月日南徼外蠻夷獻白雉白兔

肅慎國重譯獻弓矢 魏書

魏陳留王景元三年肅慎國遣使重譯入貢獻其國弓三十張三尺五寸楛矢長一尺八寸石弩三百枝皮骨鐵雜鎧二十領貂皮四百枚

倭國獻白珠生口雜錦 魏書

魏邵陵厲公時倭國王壹與遣倭大夫率善中郎將掖邪狗等

二十人送政等還因詣臺獻上男女生口三十人貢白珠五千
孔青大句珠二枚異文雜錦二十匹

扶南貢馴象 晉書

扶南國去林邑三千餘里武帝泰始初遣使貢獻太康中又頻
來穆帝升平初復有竺旃檀稱王遣使貢馴象帝以殊方異獸
恐為人患詔還之

七 宛獻汗血馬 晉書

晉武帝泰始六年九月大宛獻汗血馬馬者來貢方物

八 飛智王獻鴝鳥 晉書

穆帝升平二年三月以飛智王獻鴝鳥帝怒鞭之二百使殿

山 御史焚其鳥於四時之

大宛獻馬 晉書

秦主苻堅時大宛獻天馬千里駒皆汗血朱鬣五色鳳膺麟身
及諸珍異五百餘種堅曰吾思漢文之逸千里馬咨嗟美詠今
所獻馬其悉逸之庶克念前王髣髴古人矣乃命群臣作止馬
詩而遣之示無欲也

師子國獻玉像 南史

師子國天竺旁國也晉安帝義熙初始遣使獻玉像經十載乃
至像高四尺二寸玉多潔潤刑制殊特殆非人工此像歷晉末
在瓦官寺先有徵士載安道手製佛像五軀及顧長康維摩畫
圖世人號之三絕至齊東昏遂毀玉像前截臂次取身為髮妾
潘貴妃作釵釧

高麗王獻赭白馬 南史

晉安帝義熙九年高麗王璉遣長史高翼奉表獻赭白馬

天竺國獻金環南史

天竺迦毗黎國宋文帝元嘉五年國王月愛遣使奉表獻金剛指環摩勒金環諸寶物亦白鸚鵡各一頭

呵羅國獻金剛指環南史

宋文帝元嘉七年呵羅單國都闍婆洲元嘉七年遣使獻金剛指環赤鸚鵡鳥天竺國白疊古貝葉波國古貝等物

高麗王獻馬南史

高麗王高璉宋文帝元嘉十六年獻馬八百疋孝武大明二年又獻肅慎氏楛矢石弩

婆皇國獻方物四十一種南史

婆皇國宋文帝元嘉二十六年國王舍利婆羅跋摩遣使獻方物四十一種文帝策命之為婆皇國王二十八年復遣使貢獻

孝武孝建三年又遣長

那婆智奉表獻方物以那婆智為

振威將軍大明三年獻

白鸚鵡

槃槃國獻

牙畫塔圖南史

槃槃國宋元嘉孝建大

其王使使奉表累送佛牙畫塔并獻沉檀等香數十種六年

月復遣使送菩提國舍

鄧至國獻

西南史

鄧至國居西涼州界羌

種也宋文帝時王象居耽遣使獻馬

梁武帝天監元年詔以

鄧至王象舒彭為督西涼州諸軍事進

號安北將軍五年舒彭

追使獻黃耆四百斤馬四疋

于陀利國

金芙蓉南史

于陀利國存海南洲上

小孝武世王釋婆羅那隣隨遣長史竺

留施獻金銀寶器後跋
七年遣長史毗負跋摩
本表獻金芙蓉雜香藥等

中天竺國
獻瑠璃唾壺南史

中天竺國梁武帝天監
初其王屈多遣長史竺羅達奉表獻瑠
璃唾壺雜香古貝等物

扶南獻珊瑚佛像南史

扶南國跋摩梁武帝天
監二年遣使送珊瑚佛像并獻方物

天竺獻珊瑚佛像釋氏通鑑

梁武帝天監二年天竺
國獻梁帝珊瑚佛像

林邑國獻白猴南史

林邑國范文贊子天凱
梁武帝天監九年奉獻白猴

于闐國獻方物南史

于闐者西域之舊國也梁武帝天監九年始通江左遣使獻方
物十三年又獻波羅婆步鄣十八年又獻瑠璃鬘

鮮卑獻龍駒南史

鮮卑慕容氏休運籌梁武帝天監十三年遣使獻金裝瑪瑙鐘
二口又表於益州立九層佛寺詔許焉十五年又遣使獻赤舞
龍駒及方物其使或歲再三至或再歲一至其地與益州隣常
通商賈普通元年又奉表獻方物籌死子呵羅真立大通三年
詔以為靈西將軍護羌校尉西秦河二州刺史真死子佛輔襲
爵位其世子又遣使獻白龍駒於皇太子

盤盤國獻佛牙釋氏通鑑

梁武帝天監十四年盤盤國獻帝佛牙

波斯獻佛牙南史

波斯國梁武帝天監十四年遣使獻馬貂裘中大通二年始通江左遣使獻佛牙大同七年又獻馬一疋金一斤

婆利國獻金席南史

婆利國在州東南海中洲上梁武帝天監十六年遣使奉表獻金席等普通三年其王頻伽復遣使珠智獻白鸚鵡青蟲堊盤瑠璃器古貝螺杯雜香樂等數十種

扶南獻瑞像等物南史

扶南國留陀跋摩梁武帝天監十八年復遣使送天竺旃檀瑞像婆羅樹葉并獻火齊珠鬱金蘇合等香普通元年中大通二年大同九年累遣使獻方物五年復遣使獻生犀

滑國獻黃獅子南史

滑國者車師之別種也梁武帝普通元年遣使獻黃獅子白貂

裘波斯錦等物

扶南獻旃檀像釋氏通鑑

梁武帝普通元年扶南國獻旃檀瑞像

扶南國進異物南史

扶南國梁武帝普通元年至大同九年時累遣使獻方物又獻生犀其國有佛髮長一丈二尺詔遣沙門釋雲寶隨使往迎之先是三年八月武帝改造阿育王佛塔出舊塔下舍利及佛爪髮髮青紺色衆僧以手伸之隨手長短放之則旋屈為蠶形

丹丹國獻牙像火齊珠南史

丹丹國梁武帝中大通二年其王遣使奉表送牙像及畫塔二軀并獻火齊珠古貝雜香藥大同元年復遣使獻金銀瑠璃雜寶香藥等物

高昌國獻鳴鹽枕南史

高昌國麴氏子堅梁武帝大同中子堅遣使獻鳴鹽枕蒲桃良馬毳毼等物

浮鵠山女人進紅席南史

梁武帝時海中浮鵠山去餘姚岸可千餘里上有女人年二百歲有女官道士四五百人年並出百但在山學道遣使獻紅席帝捨身時其使適至云此草常有紅鳥居下故以為名觀其面狀則鸞鳥也

于闐獻玉仰像釋氏通鑑

梁武帝大同七年于闐國獻玉佛像一身

盤盤國獻馴象南史

梁簡文帝大寶二年九月盤盤國獻馴象

慕利延等遣使進獻北史

慕利延吐谷渾之後也魏太武討之於白蘭慕利延遣使通使示拔獻烏丸帽女國金酒器胡王金釧等物宋文帝賜以羊皮七千遂還舊土慕利延死樹洛干子拾寅立拾寅自恃嶮遠頻不恭命通使于宋獻善馬四角羊宋明帝加之官號

頽盾國獻獅子北史

魏太武帝太平真君十一年十一月頽盾國獻獅子一

洛那國獻馬劍北史

魏文成帝和平六年夏四月破洛那國獻汗血馬普嵐國獻寶劍

疏勒送袈裟北史

疏勒國在姑默西白山南百餘里魏文成末其王遣使送釋迦牟

尼佛袈裟一長二丈餘帝以審是佛衣應有靈異遂燒之以驗
虛實置於猛火之上經日不然觀者莫不悚駭人手足皆六指
產子非六指者即不育

波斯獻馴象 北史

魏獻文帝遣使者韓羊皮使波斯波斯王遣使獻馴象及珍物
經于闐于闐中于王秋仁輒留之假言慮有寇不達羊皮言狀
帝怒又遣羊皮奉詔責讓之自後每使朝貢周武帝建德二年
其王遣使獻名馬

洛那獻馬 北史

洛那國故大宛國也魏孝文帝太和三年遣使獻汗血馬

高車獻金銀鞍馬 北史

高車蓋古赤狄之餘種也臨洮俄突既立復遣使貢又奉表獻金

方一銀方一金杖二馬七匹駝十頭詔使者慕容坦賜彌俄突
雜彩六十匹魏宣武詔之曰卿遠據沙外頻申誠款覽揖忠忘
特所欽嘉後又遣使獻龍馬四五匹金銀貂皮及諸方物

伏連籌獻犛牛蜀馬 北史

伏連籌吐谷渾之後也魏宣武世至于正光犛牛蜀馬及西南
之珍無歲不至

南天竺獻馬 北史

南天竺國去代三萬一千五百里魏宣武時其國王婆羅化遣
使獻駿馬金銀

嚧達貢獅子 北史

嚧達國大月氏之種類也魏孝明帝正光末遣貢獅子一

嚧達國獻獅子 北史

嚧達國獻獅子

魏孝莊帝永安三年六月戊午噉達國獻獅子一

夸呂獻能舞馬 北史

夸呂自號為可汗西魏文帝大統初周文遣儀同潘濬喻以逆順之理於是夸呂再遣使獻能舞馬及羊牛等

白蘭獻甲鎧 北史

白蘭者羌之別種也周武帝保定元年遣使獻犀甲鐵鎧

宕昌國獻猛獸 北史

周武帝保定三年三月丙子宕昌國獻生猛獸二詔放之南山

焉耆獻馬 北史

焉耆國在車師南都魯渠城白山南七十里周武帝保定四年其王遣使獻名馬

赤土國遣獻金芙蓉冠 北史

赤土國扶南之別種也在南海中水行百餘日而達所都土色多赤因以為號隋煬帝大業一年遣那邪迦隨貢方物并獻金芙蓉冠龍腦香以鑄金為多羅葉隱起成文以為表金函封之令婆羅門以香花奏蠡鼓而送之

大夏獻方物 唐書

大夏即吐火羅也高祖武德二年遣使者獻寶帶玻璃水精栝

西突厥獻寶馬 唐書

西突厥統葉護可汗高祖時許婚可汗喜遣真珠統俟斤與道立還獻萬釘寶鈿金帶馬五千匹以藉約會

察失利獻白鸚鵡 唐書

察失利太宗時並遣使者入朝獻婆律膏白鸚鵡首有十紅毛齊于翅因弓馬銅鍾帝與之

西屠夷獻方物唐書

西屠夷頭黎太宗貞觀時獻馴象銀鎖五色帶朝霞布火珠

新羅獻女樂唐書

唐太宗貞觀五年新羅王獻女樂二太宗曰比林邑獻鸚鵡言思鄉焉還况於人乎傳使者歸之

康獻方物唐書

康者一曰薩末鞬亦曰颯秣建太宗貞觀五年遂請臣帝曰朕與取虛名害百姓且康臣我緩急當同其憂師行萬里寧朕志邪卻不受俄又遣使獻獅子獸帝珍其遠命秘書監虞世南作賦自是歲入貢致金桃銀桃詔令植苑中玄宗開元初貢鎖子鎧水精栴碼碯瓶駝鳥卵及越諾侏儒胡旋女子開元二十二年獻波斯驢二拂菻繡毬一鬱金香石蜜等其妻可敦獻柘

毬大繡毬二繡毬一

波斯獻方物唐書

波斯居遏水西太宗貞觀十二年遣使者獻活禱蛇狀同鼠色正青長九寸能捕穴鼠貞觀二十一年獻佛土菜莖五葉赤華紫須玄宗開元七年獻獅子五色鸚鵡

拂菻獻赤玻璃唐書

拂菻古大秦也太宗貞觀十七年王波多力遣使獻赤玻璃綠金精下詔答賚

高麗獻妹唐書

唐太宗貞觀二十年春高麗王藏遣使者上方物且謝罪獻二妹口太宗敕還之謂使者曰色者人所重然愍其去親戚以傷乃心我不取也

却頡利獻羊馬唐書

頡利太宗時獻馬三千匹羊萬頭帝不納

日本獻方物碼碯唐書

日本古倭奴也高宗永徽初其王孝德即位改元曰白雉獻虎魄大如斗碼碯若五升器

吐火羅獻方物唐書

吐火羅高宗永徽元年獻大鳥高七尺色黑足類橐駝翅而行日三百里能噉鐵俗謂駝鳥顯慶中又獻碼碯鐙樹高三尺開元天寶間數獻馬驪異藥乾陀婆羅二百品紅碧玻璃

默啜獻馬謝婚唐書

默啜高宗時遣大酋移力貪汗獻馬十匹謝許婚

骨利幹獻良馬唐書

骨利幹處瀚海北產良馬首似橐它筋骼壯大日中馳數百里高宗時入朝詔遣雲麾將軍康蘇密勞答以其地為玄闕州其大酋侯斤因使者獻馬帝取其異者號十驥皆為美名曰騰霜白曰皎雪驄曰凝露驄曰縣光驄曰決波驄曰飛霞驄曰發雷赤曰流金馱曰翔麟紫曰奔虹赤厚禮其使

吐蕃獻金寶器唐書

吐蕃弄贊高宗時獻金琲十五種以薦昭陵顯慶三年獻金盃金頗羅等復請婚

茲進遊仙枕事文類聚

唐玄宗開元間龜茲進一枕色如瑪瑙枕之則十洲三島四海五湖盡在夢中帝名為遊仙枕

交趾進辟寒犀事文類聚

唐玄宗開元中冬至交趾國進犀角使者請以金盤置於殿中
溫然暖氣襲人曰此辟寒犀也

南詔獻寶器唐書

南詔異牟尋唐德宗時獻鐸鞘浪劍鬱刀生金
瑟牛黃琥珀
氍紡絲象犀越睽統倫馬鐸鞘者狀如殘刃有
飾以金所擊無不洞夷人尤寶月以血祭之
并治取迎躍如星者凡十年乃成淬以馬血以
人即死浪人所鑄故亦名浪劍王所佩者傳七
夫

訶陵獻鸚鵡唐書

訶陵憲宗元和八年獻僧祇奴四五色鸚鵡類
鳥等

日本國獻冷暖碁子事文類聚

日本國王子入貢善奕宣宗令待詔顧師言與
對王子不勝

問曰此第幾手答曰第三手王子嘆曰小國之一
不及大國之

高麗貢銅獻書五代史

高麗國唐明宗長興三年時權知國事王建遣使
者來明示乃

拜建玄菟州都督充大義軍使封高麗國王建
高麗大旗也開

運二年建卒子武立乾祐四年武卒子昭立王氏
三世終五代

常來朝貢其立也必請命中國中國常優答之其
地產銅銀周

世宗時遣尚書水部員外郎韓彥卿以帛數千匹
市銅于高麗

以鑄錢六年昭遣使者貢黃銅五萬斤高麗俗
文字喜讀書

昭進別叙孝經一卷越王新義八卷皇靈孝經一
卷孝經雌圖

一卷別叙叙孔子所生及弟子事迹越王新義以
越王為問目

若今正義皇靈述延年辟穀雌圖載日食星變皆
不經之說

于闐來貢 五代史

于闐國尤遠去京師萬里外其國西南近葱嶺與婆羅門為鄰國而相去猶三千餘里南接吐蕃西北至疎勒二千餘里後晉主石敬瑭天福三年于闐國王李聖天遣使者馬繼榮來貢紅鹽鬱金鼈牛尾玉氎等晉遣供奉官張匡鄴假鴻臚卿彰武軍節度判官高居誨為判官冊聖天為大寶于闐國王

于闐獻玉 五代史

于闐國東南口銀州盧州涇州其南千三百里曰玉州云漢張騫所窮河源出于闐而山多玉者此山也其河源所出至于闐分為三東曰白玉河西曰綠玉河又西曰烏玉河三河皆有玉而色異每歲秋水涸國王滂玉于河然後國人得滂玉自靈州渡黃河至于闐往往見吐蕃族帳而于闐常與吐蕃相攻劫

匡鄴等至于闐聖天頗責謂之以邀誓約匡鄴等還聖天又遣都督劉再昇獻玉千斤及玉印降魔杵等漢乾祐元年又遣使者三知鐸來

占城來貢 五代史

占城在西南海上其地方千里東至海西界雲南南鄰真臘北抵驩州其人俗與大食同其乘象馬其食稻米水兕山羊鳥獸之奇犀孔雀自前世未嘗通中國周世宗顯德五年其國王因德漫遣使者蕭訶散來貢猛火油八十四瓶薔薇水十五瓶其表以貝多葉書之以香水為函猛火油以灑物得水則出火薔薇水云得自西域以灑衣雖敵而香不滅

昆明國獻薔薇水 事文類聚

昆明國周世宗顯德五年獻薔薇水十五瓶云得自西域以洒

衣不敝而香不滅

高麗進劍遼史

高麗自有國以來傳次近人民土田歷代各有其志然高麗與遼相為終始二百餘年自太祖皇帝神冊間高麗遣使進寶劍天贊三年來貢

烏隈于厥部貢獻土產遼史

遼聖宗統和六年甲寅烏隈于厥部以歲貢貂鼠青鼠皮非土產皆於他處貿易以獻乞改貢詔自今止進牛馬

日本國入貢宋史

日本國者古倭奴國也自以其國近日所出故以日本為名或云惡其舊名改之也其地東西南北各數千里西南至海東北隅隔以大山山外即毛人國自後漢始朝貢歷魏晉宋隋皆來

貢唐永徽顯慶長安開元天寶上元貞元元和開成中並遣使入朝雍熙元年日本國僧裔然與其徒五六人浮海而至獻銅器十餘事并本國職貢今年代紀各一卷太祖時拜表來貢稱其本國永延二年歲次戊子二月八日寶端拱元年也又別啓貢佛經納青木函琥珀青紅白水晶紅黑木櫛子念珠各一連並納螺鈿花形平函毛籠一納螺杯二口葛籠一納法螺二口漆皮二十枚金銀蒔繪筥一合納髮鬘二頭又一合納參議正四位上藤佐理手書二卷及進奉物數一卷表狀一卷又金銀蒔繪硯一筥一合納金硯一麻毛筆松煙墨金銅水瓶鐵刀又金銀蒔繪扇筥一合納檜扇二十枚蝙蝠扇二枚螺鈿杯函一對其一納赤木梳二百七十其一納龍骨十枚螺鈿書葉一螺鈿書几一金銀蒔繪平筥一合納白細布五疋麻皮籠一納

貂裘一領螺鈿鞍轡一副銅鐵鐙紅絲鞦泥障倭畫屏風一雙石流黃七百斤

吐蕃貢馳馬宋史

吐蕃本漢西羌之地其種落莫知所出或云南涼禿髮利鹿孤之後其子孫以禿髮為國號語訛故謂之吐蕃唐貞觀後常來朝貢至德後因安史之亂遂陷河西隴右之地太祖建隆二年靈武五部以橐駝良馬致貢真宗太中祥符三年其國宰相論恐熱以秦原安樂及石門等七關來歸

占城上表入貢宋史

占城太祖建隆二年其王釋利因陀盤遣使蒲訶散來朝表貢書于貝多葉以香木函盛之貢犀角象牙龍腦香藥孔雀四大寶鏡二十使迴錫賚有差以器幣優賜其王

于闐貢錦琉璃瓶宋史

于闐國自漢至唐皆入貢中國安史之亂絕不復至晉天福中其王李聖天自稱唐之宗屬遣使來貢高祖命供奉官張鄴持節冊聖天為大寶于闐國王建隆二年十二月聖天遣使貢圭一以玉為押玉枕一本國摩尼師貢琉璃瓶二胡錦一段其使言本國去京師九千九百里

占城入貢宋史

占城太祖乾德四年其王悉利因陀盤遣使因陀玠李帝婆羅貢馴象牯犀象牙白乳此哥縵越諾王妻波良僕瑁男占謀律秀瓊等各貢香藥

定安國入貢宋史

定安國本馬韓之種契丹所攻破其酋師糾合餘衆保于西

鄒建國改元自稱定安國太祖開寶三年其國王烈萬華因女
真遣使入朝乃附表貢方物太平興國中太宗方經營遠略
討擊契丹因降詔其國令張掎角之勢其國亦怨寇讎侵侮不
已聞中國用兵北討欲依王師以據宿憤得詔大喜六年冬會
女真遣使來貢

占城貢雌象 宋史

占城太祖開寶三年遣使貢方物雌象

三佛齊入貢 宋史

三佛齊太祖開寶四年遣使李何末以水晶火油來貢五年又
來貢七年入貢象牙乳香薔薇水萬歲棗扁桃白沙糖水晶指
環琥珀珊瑚樹

勃泥奉表入貢 宋史

勃泥國太宗太平興國中其王向打遣使施智使副滿
判官哥心等貢表素、龍腦一家底第二等八家底第一等
十一家底米龍腦一家底蒼龍腦二十家底凡一等至五等
十兩龍腦版五玳瑁款一百檀香三檄象牙六株香、海、市
千萬歲壽望不責小國微薄之禮其表以、小、雲、非
中國紙類木皮而薄然滑色微綠長數尺闊寸、之、可
盈握其字細小橫讀之以華言譯之

三佛齊立貢 宋史

三佛齊太宗太平興國五年王夏池遣使茶、
言三佛齊國蕃商李甫誨乘船舡載香藥犀角、
風勢不便飄舡六十日至潮州其香藥悉送廣、
至遣使蒲押陀羅來音水晶佛錦布犀牙香藥

占城貢象

宋史

占城太宗太平興國七年遣使乘象入貢詔管象廣州方
八年獻馴象能拜伏詔留於京畿宣陵縣

丹州蠻來

貢宋史

太宗淳化元年南丹州蠻酋師莫洪普卒其子洪皓襲稱刺史
遣其子准通來貢銀盃二十銅鼓三面銅印一鈕旗一帖繡
珠紅羅襦一上降優詔賜緞百匹還其襦

楊陁排貢馴象

宋史

占城太宗淳化元年其新王楊陁排自稱新崇佛逝國楊陁執
遣使李臻貢馴犀方物表請為交州所攻國中人民財寶皆
所略上賜黎桓詔令各守境

占城入貢賜馬

宋史

占城太宗淳化三年遣使李良甫貢方物賜其王白馬二兵器等本國
僧淨戒獻龍腦金鈴銅香鑪如音等各優賜之

占城奉表入貢

宋史

占城太宗至道元年正月其王遣使來貢奉表言前進奉使李良甫
伏蒙聖慈賜臣細馬二匹旗五面銀裝劍五口銀纏槍五條弓弩各五
張及箭等戴恩感懼稽首稽首臣生長外國遠天都竊承皇帝聖明
威德廣大臣不憚介居海濱遣使入朝皇帝不棄蠻夷小國曲加優賜
然臣自為土長聲勢尚卑豈時外國頗相侵撓况以前民庶如芥隨風
塵散流離各不自保近蒙皇帝賜臣內閑駟駿及旗幟兵器等鄰國聞
之知臣荷大國之寵而各懼天威不敢謀害今臣一國安寧流民來復若
群皇帝天德加護何以至此臣之一國仰望仁聖覆之如天載之如地臣
自思惟鴻恩不淺且自天子之都至臣所居之國涉海綿邈不啻數萬

聖而所賜之馬及器械等並安全而至皆聖德之所及也自前本國進奉未嘗有旌旗弓矢之賜臣今何幸獨受異恩此蓋天威廣被壯臣土疆臣雖殞身無以上報兼臣言使往復資給備至恩重山嶽不可具陳今特遣專使李波珠副使訶散判官李磨勿等進奉犀角十株象牙三十株玳瑁十斤龍腦二斤沉香百斤夾箋黃熟香九十斤檀香百六十斤山得雞二萬四千三百雙胡椒工百斤簾席五前件物固非珍奇惟表誠懇臣生居異域幸遇明時不貴殊珍惟重良馬僮皇帝念及外國不罪懇求若使介南歸願垂頒賜臣之幸矣無臣本國元有流民三百散居南海曾蒙聖旨許令放還今有猶在廣州者本國舊有進奉夷人羅常占見駐廣州乞詔本州盡數點集具籍以付常占令造船舡乘便風部領歸國冀得安其生聚以實舊疆至於萬里感恩一心事上臣之志也上覽表遣使詣廣州詢問願還者悉付波珠使還復賜白馬二遂為常制

交趾貢七寶交椅宋史

交趾真宗即位進封黎桓南平王兼侍中桓前遣都知兵馬使阮紹恭副使趙懷德以金銀七寶裝交椅一銀盆十犀角象牙五十枚絹綉布萬疋來貢詔陳于萬歲殿太宗神御許紹恭等拜奠及迴賜桓帶甲馬詔書慰獎

吐蕃獻馬宋史

吐蕃真宗咸平元年十一月河西軍左廂副使歸得將軍折逋游龍鉢來朝游龍鉢四世受朝命為酋雖貢方物未嘗自行今始至獻馬二千餘疋

占城貢犀象宋史

占城真宗咸平二年其王楊普俱毗茶逸施离遣使朱陳堯副使蒲薩陀婆判官黎姑倫以犀象玳瑁香藥來貢賜堯等冠帶

衣褥有差景德元年又遣使來貢詔以良馬介冑戎器等賜之

交趾貢犀象 宋史

交趾真宗咸平四年又遣行軍司馬黎紹留副使何慶常以馴犀一象二象欄二七寶裝金瓶一來貢

丹眉流國入貢 宋史

丹眉流國真宗咸平四年國主多須機遣使打吉馬副使打臘判官皮泥等九人來貢木香千斤鑰鑰各百斤胡黃連三十五斤紫甘百斤紅繩一合花布四段蘇木萬斤象牙六十一株召見崇德殿賜以冠帶服物及還又賜多須機詔書以敦獎之

吐蕃貢馬 宋史

吐蕃真宗咸平五年十月羅支又言賊遷送鐵箭誘臣部族已殺一人繫一人聽朝旨詔褒諭之聽自處置十一月使來貢馬

蒲端國貢獻乞恩 宋史

蒲端國真宗咸平景德中蒲端國主其陵數遣使來貢方物及

武王鸚鵡其後國王悉離琶大遐至亦以金版鐫表來上其使

已如漢上言伏見詔旨給賜占城使鞍勒馬大神旗各一乞如

恩例有司以蒲端在占城下請賜雜絲小旗五從之

占城奉表來貢 宋史

占城真宗景德四年遣使布祿爹地加等奉表來朝表函藉以

文錦詞曰占城國王楊普俱毗荼室离頓首言臣聞二帝封疆

南止局于湘楚三土壤界北不及於幽燕仰矚昌時膏邁往跡

伏惟皇帝陛下乾坤授氣日月儲英出震居尊承基御極慈惠

敷於天下聲教被於域中業茂前王功芳徂后蒼生是念黃屋

非心無方不是生靈有土並為臣妾真風遍布霈澤周行凡沐
照臨共增聳抃臣生于邊鄙幸襲華風蟻垤蜂房聊為遂性龍
樓鳳閣尚阻觀光再念自假天威獲全封部隣無侵奪俗有舒
蘇每歲拜遣下臣問寧上國蒙陛下恩霑行葦福及豚魚特因
迴人頒賜戎器臣本土惟望闕焚香歡呼拜受心知多幸曷答
洪恩聖君既念於負王微懇肯忘於述職今遣專信臣布祿參
地加副信臣除通麻瑕加耶判官臣皮霸抵一行人力等部署
上毛遠充歲貢雖表楚茅之禮實懷魯酒之憂虔望睿明南覽
譴戮專信臣等迴日軍容器仗耀武之物伏願重加賜賚益念
忝為臣子合告君親服飾車輿威儀斧鉞不敢私制惟望恩頒
干冒免旒不任死罪布祿參地加言本國舊隸交州後奔于佛
遊止去舊所七百里使還賜物甚厚

注輦奉表來貢 宋史

注輦國真宗大中祥符八年九月其國主羅茶羅乍遣進奉使
侍郎樊里三文副使蒲恕判官翁勿防榜官亞勒加等奉表來
貢三文等以盤奉真珠碧頗黎升殿布於御坐前降殿再拜譯
者導其言曰願以表遠人慕化之意其國主表曰臣羅茶羅
言昨遇舸船舶商人到本國告稱鉅宋之有天下也二帝開基
聖人繼統登封太嶽禮祀分陰至德并聞上穹眷命臣昌期斯
遇言語幸聞輒傾就日之誠仰露朝天之款臣伏聞人君之御
統也無遠不臻臣子之推誠也有道則服伏惟皇帝陛下功超
遠右道建大中衣裳垂而德合乾坤劔戟鑄而範圍區宇神武
不殺人文化成廊明明之德以臨御下民懷翼翼之心以昭事
上帝至仁不傷於行葦大信爰及於淵魚故得天鑒孔彰帝臨

有赫顯今古未聞之事保家邦大定之基竊念臣微類醯雞賤
如芻狗世君夷落地遠華風虛荷燭幽曾無執贄今者竊聽詔
頒普及遐陬恨年屬於桑榆阻躬陳於玉帛矧滄溟之曠絕在
茲涉以稍艱是敢傾倒赤心遙瞻丹闕任上作貢同蝼蟻之慕
羶委質事君比葵藿之向日謹遣專使等五十二人奉土物來
貢凡真珠衫帽各一真珠二萬一千一百兩象牙六十株乳香
六千斤五文等又獻珠六千六百兩香藥三千三百斤初羅茶
每斤既聞商舶言且曰十年來海無風濤古老傳云如此則中
國有聖人故遣三文等八貢三文離本國舟行七十七晝夜歷
海勿丹山望里西蘭山至占賓國又行六十一晝夜歷伊麻羅
里山至古羅國國有古羅山因名焉又行七十一晝夜歷加八
山占不牢山舟寶龍山至三佛齊國又行十八晝夜度巒山水

口歷天竺山至賓頭狼山望東西王母塚距舟所將百里又行
二十晝夜度羊山九星山至廣州之琵琶洲離本國凡千一百
五十日至廣州焉詔閣門祗候史祐之節伴

喃斯囉獻馬宋史

喃斯囉者出贊普之後真宗大中祥符九年廝囉立遵等獻
馬五百八十二匹詔賜器幣總萬二千計以答之

占城遣使入貢宋史

占城遣使入貢其貢物
口城一其宗元禧二年其貢物
七十一珠犀角八十六珠玳瑁千片乳香五十斤丁香花八十
斤重寶六十五斤沉香百斤箋香二百斤別箋一劑六十八斤
三十三百斤檳榔千五百斤來貢

占城遣貢方物宋史

占城仁宗天聖八年十月其王陽補孤施離皮蘭德加拔麻疊遣使李蒲薩麻瑕陀琶來貢木香玳瑁乳香犀角象牙

占城表貢宋史

占城仁宗皇祐二年正月使俱舍喇波微收羅婆麻提楊卜貢象牙二百一犀角七十九表二通一以本國書一以中國書

日本僧誠尋入貢宋史

日本國神宗熙寧五年有僧誠尋至台州上天台國清寺願留州以聞詔使赴闕誠尋獻銀香爐木榼子白琉璃五香水精紫檀虎魄所飾念珠及青色織物綾神宗以其遠人而有戒業處之開寶寺盡賜同來僧紫方袍是後達貢方物而來者皆僧也

注輦來貢宋史

注輦國神宗熙寧十年其王地華加羅遣使奇囉囉副使南卑

琶打判官麻圖華羅等二十七人來獻豌豆珠麻瑠璃大洗盤白梅花腦錦花犀牙乳香瓶香薷薇水金蓮花木香阿魏鵬砂丁香使副以真珠龍腦登陸跪而散之謂之撒殿既降詔遣御藥室勞之以為懷化將軍保順郎將各賜衣服器幣有差答賜其玉錢八萬一千八百緡銀五萬二千兩

日本僧仲回入貢宋史

日本國神宗元豐元年使通事僧仲回來賜號慕化懷德大師明州又言得其國太宰府牒因使人孫忠還遣仲回等貢純二百匹水銀五千兩以孫忠乃海商而貢禮與諸國異請自移牒報而答其物直付仲回東歸從之乾道九年始附明州綱首以方物入貢

占城貢瑠璃物色宋史

占城神宗熙寧元年... 物乞市驛馬詔賜... 湖酒器龍腦乳香... 領兵三千人并妻子來降以正月... 南丹蠻修貢... 五年貢瑠璃

南丹蠻修貢

神宗元豐六年大軍討安化南丹蠻莫世忍獻弓矢自言願世... 世為外臣修貢不憚遷檢校戶部尚書給銅牌旗號官其子姪... 九人

回鶻獻水精盆珍珠金元史

回鶻... 時回鶻獻水精盆珍珠傘等物可直銀三萬餘錠帝曰... 今百姓疲弊所急者錢爾朕獨有此何為却之賽典赤以為... 稍償其直且禁其勿復有所獻

馬八兒等十國遣使入貢元史

馬八兒國海外地... 蕃國惟馬八兒與俱... 監又為馬八兒... 障自泉州至其國約十萬里其國至阿不合... 大王城水路得... 風約十五日可到比餘國最大世祖至元間... 行中書省... 丞... 及都等奉... 書十通招諭諸蕃未幾占城馬八... 兒國俱奉表稱... 並... 餘俱... 監諸國未下行省議遣使十五人往諭... 之帝曰非... 唆都... 等... 可... 專也若無朕命不得擅遣使十六年十... 二月遣廣東招... 討... 司... 達魯花赤... 楊庭璧招俱監十七年三月至... 其國國主必納... 的... 令其弟肯那却不刺木省書回回字降表附... 庭璧以進言... 來... 出... 遣使入貢十月授哈撒兒海牙俱監國宣慰... 使偕庭璧再往... 詔諭十八年正月自泉州入海行三月抵僧伽... 耶山舟人鄭震... 可以阻風之糧勸往馬八兒國或可假陸路以

達俱藍國從之四月至馬八兒國新村馬頭登岸其國宰相馬
因的謂官人此來小甚善本國船到泉州時官司亦嘗慰勞無以
為報今以何事至此庭壁等告其故因及假道之事馬因的乃
託以不道為辭出其宰相不阿里相見又言假道不阿里亦以
它事辭五月二人入館屏人令其官者為通情實乞為達朝
廷我一心願為白王帝奴我使札馬里丁入朝我大必聞亦赴第
彈華言國告變等并彈籍我金銀田產妻孥又欲殺我我詭辭得
免今算彈兄弟五人皆聚加一之地議與俱藍交兵及文天使
來對衆稱本國貧陋此是妄言凡回回國金銀寶具盡出本國
其餘回回盡來高賈比間諸國皆有降心若馬八兒既下我使
人持書招之可使盡降時哈撒兒海牙與庭壁以阻風不至俱
藍遂還哈撒兒海牙入朝計事期以十一月俟北風再舉至期

朝廷遣使令庭壁獨往十九年二月抵俱藍國國主及其相馬
合麻等迎拜璽書三月遣其臣祝阿里沙忙里八的入貢時也
里可温兀咱兒撒里馬及木速蠻主馬合麻等亦在其國聞詔
使至皆相率來告願納歲幣遣使入覲會蘇木達國亦遣人因
俱藍主乞降庭壁皆從其請四月還至那旺國庭壁復說下其
主忙昂比至蘇木都刺國國主土漢八的迎使者庭壁因喻以
大意土漢八的即日納款稱藩遣其臣哈散速里蠻二人入朝
二十年馬八兒國遣信撮及班入朝五月將至上京帝即遣使
逐諸途二十三年海外諸蕃國以楊庭壁奉詔招諭至是皆來
降諸國凡十曰馬八兒曰須門那曰僧急里曰南無力曰馬蘭
丹曰那旺曰丁呵兒曰來來曰急蘭亦解曰蘇木都刺皆遣使
貢方物

占城遣使奉表貢物 元史

占城近瓊州順風舟行一日可抵其國世祖至元間廣南西道宣慰使馬成旺嘗請兵三千人馬三百匹征之十五年右丞唆都以太平遣人至占城還言其王失里咱牙信合八刺哈迭瓦有內附意詔降虎符授榮祿大夫封占城郡王十六年十二月遣兵部侍郎教化的總管孟慶元萬戶孫勝夫與唆都等使占城諭其王入朝十七年二月占城國王保寶旦拏囉耶叩南詔占把地囉耶遣使貢方物奉表降

安南國貢獻方物 元史

安南國王世子陳日烜世祖至元二十一年閏五月甲辰遣其中大夫陳謙甫貢玉杯金甌珠條金領及白猿綠鳩幣帛等物

真臘占城國貢獻 元史

真臘占城國世祖至元二十二年九月丙子貢樂工十人及木料鱗魚皮諸物

馬八兒國進奇獸 元史

馬八兒國世祖至元二十四年三月丙辰遣使進奇獸一類驪而巨毛黑白間錯名阿塔必即

西番國進黑豹 元史

西番國世祖至元二十六年六月己未進黑豹

羅斛國上表貢物 元史

羅斛國王世祖至元二十八年十月癸未遣使上表以金書字仍貢黃金象齒齒丹頂鶴五色鸚鵡翠毛犀角篤繡龍腦等物

回紇貢獻藥物 元史

回紇不刺罕成宗元貞二年春正月獻獅豹藥物賜鈔千三百

餘錠

緬國進貢白象元史

緬國成宗大德四年夏四月遣使進白象

征東兀者戶進鼠獾元史

征東未吉地兀者戶英宗至治三年春正月乙卯以貂鼠水獺海狗皮來獻詔存卹三歲

瓜哇遣使進貢元史

瓜哇國恭定帝四年十二月遣使獻金文豹白猴白鸚鵡各一

占臘國來貢元史

占臘國文宗天曆二年夏四月丙午來貢羅香木及象豹白猿

瓜哇國遣臣進貢元史

瓜哇國文宗至順三年三月遣其臣僧伽刺等八十三人奉金

書表及方物來朝貢

安南遣使貢獻元史

安南國古文趾也文宗至順三年夏四月世子陳日焯遣其臣鄧世延等二十四人來貢方物

拂郎國貢異馬元史

拂郎國順帝至正二年秋七月貢異馬長一丈一尺三寸高六尺曰寸身純黑後二蹄皆白

扎爾別貢弓刀西馬元史

扎爾別之地順帝至正二十三年九月辛卯獻大撒哈刺察赤兒宋西兒刀弓鎗子甲及青白西馬各二匹

好佛

本國有好佛法者

倭国隋大業三年其王多利思比孤遣朝貢使者曰閻海西菩
薩天子重興佛法故遣朝拜無沙門數十人來學佛法國書曰
日出處天子致書日沒處天子無恙云云帝覽不悅謂鴻臚卿
曰蠻夷書有無礼者勿復以聞

征伐

夷狄與隣国相征戰者

冒頓滅東胡前漢

漢高相時東胡強聞單于冒頓殺父頭曼自立廼使使謂冒頓
齒欲得頭曼時十里馬冒頓問群臣群臣皆曰此匈奴寶馬也
勿予冒頓曰柰何與人鄰国愛一馬乎遂與之頃之東胡以為
冒頓畏之使使謂冒頓曰欲得單于一閼氏冒頓復問左右左

右皆怒曰東胡無道廼求閼氏請擊之冒頓曰柰何與人鄰国
愛一女子乎遂取所愛閼氏子東胡東胡王愈驕西侵與匈奴
中間有棄地莫居千餘里各居其邊東胡使謂冒頓曰匈奴所
與我界棄地吾欲有之冒頓問群臣或曰此棄地予之於是冒
頓大怒曰地者國之本也柰何予人諸言與者皆斬之冒頓上
馬令國中有後者斬遂東襲擊東胡東胡初輕冒頓不為備冒
頓大破滅之

定難

能定本國患難者

張鄭相知唐書

新羅有張保臯鄭年者皆善鬪戰工用槍年復能沒海履其地
五十里不噎角其勇健保臯不及也年以兄呼保臯保臯以齒

年以藝常不相下自其國皆來為武寧軍小將後保臯歸新羅
謁其王曰遍中國以新羅人為奴婢願得鎮清海使賊不得掠
人西去清海海路之要也王與保臯萬人守之自太和後海上
無鬻新羅人者保臯既貴於其國年飢寒客漣水一日謂戍主
馮元規曰我欲東歸乞食於張保臯元規曰若與保臯所負何
如柰何取死其手年曰飢寒死不如兵死快況死故鄉邪年遂
去至謁保臯飲之極歡飲未卒聞大臣殺其王國亂無主保臯
分兵五千人與年持年泣曰非子不能平禍難年至其國誅反
者立王以報王遂召保臯為相以年代守清海

吐蕃納馬贖罪宋史

吐蕃真宗大中祥符七年知秦州張佶置大洛門新砦先是佶
欲近渭置採木場蕃族聞之即徙帳去佶不能遂撫之戎人輒

悔因鄉導鈔劫佶深入掩擊悉敗走至是求和佶不許三月秦
州曹瑋言熟戶郭廝敦賞樣丹皆大族樣丹輒作文法謀叛廝
敦密以告約半月殺之至是果携樣丹首來上以廝敦陰害樣
丹不欲明加恩獎以疑懼諸族時方議築南使城遂以廝敦獻
地為名詔授順州刺史先是張佶深入蕃境邊事數擾及瑋破
魚角蟬戮賞樣丹二酋由是前拒王師者伏匿避罪瑋誘召之
許納罰首過既而至者數千人凡納馬六千匹給以匹練或以
少為訴者瑋叱之曰是贖罪物汝輩敢希利邪戎族聞之皆畏
服

富侈 本國富盛奢侈者

副貨金駝北史

副貨國去代一萬七千里國王有黃金殿殿下有金駝七頭各高三尺

技巧

夷狄有伎能巧思者

大月氏鑄石為琉璃北史

大月氏國魏太武時其國人商販京師自云能鑄石為五色瑠璃於是採石山中於京師鑄之既成光澤乃美於西方來者乃詔為行殿容百餘人光色映徹觀者見之莫不驚駭以為神明

神異

遇難有神助物護之異者

昆莫狼乳前漢

烏孫王號昆莫其父難兜靡與大月氏俱在祁連敦煌間小國

也大月氏攻殺難兜靡奪其地人民亡走匈奴時昆莫新生傳父布就翎侯抱亡置草中為求食還見狼乳之又烏啣肉翔其旁以為神遂持歸匈奴單于愛養之及壯以其父民衆與之使將兵數有功

東明投溷廐不死後漢

北夷索離國王出行其侍兒於後婁身王還欲殺之侍兒曰前見天上有氣大如雞子來降我因以有身王囚之後遂生男王令置於豕牢豕以口氣噓之不死復徙於馬蘭馬亦如之王以為神乃聽母收養名曰東明東明長而善射王忌其猛復欲殺之東明奔走南至掩淪水以弓擊水魚鱉皆聚浮水上東明乘之得度因至夫餘而王之焉

知來

能知未來之事者

吐谷渾先知北史

吐谷渾本遼東鮮卑徒河涉歸子也涉歸一名奕洛韓有二子庶長曰吐谷渾少曰若洛廐涉歸死若洛廐代統部落是為慕容氏涉歸之在也分戶七百以給吐谷渾與若洛廐渾謂其部落曰我兄弟子孫竝應昌盛廐當傳子及曾玄孫其間可百餘年我乃玄孫間始當顯耳

夢應

有夢而應驗者

陽邁金色光麗南史

陽邁初在孕其母夢生兒有人以

巴光麗夷人謂

金之精者為陽邁若中國云紫磨者因以為名

紀異

紀本國之異事者

乞伏遇神物晉書

乞伏國仁在昔有如弗斯出連叱盧三部自漠北南出大陰山遇一巨蟲於路狀若神龜大如陵阜乃殺馬而祭之祝曰若善神也便開路惡神也遂塞不通俄而不見乃有一小兒在馬時乞伏部有老父無子者請養為子衆咸許之老父欣然自以有所依憑字之曰紇干紇干者夏言依倚也年十歲驍勇善騎射彎弓五百斤四部服其雄武推為統主號之曰乞伏可汗託鐸莫何託鐸者言非神非人之稱也

鱧魚化鐵鑄刀南史

漢末大亂林邑功曹區連殺縣令自立為王數世其後王無嗣外甥范熊代立死子逸嗣晉成帝咸康三年逸死奴文墓立文本曰南西卷縣夷帥范幼家奴嘗牧牛於山澗得鱧魚二化而為鐵因以鑄刀刀成文向石呪曰若斫石破者文當主世國因斫石如斷芻藁文心異之

感異生子

所感異常而生子者

沙壹感龍後漢

哀牢夷者其先有婦人名沙壹居于牢山嘗捕魚水中觸沉木若有感因懷姙十月產子男十人後沉木化為龍出水上沙壹忽聞龍語曰若為我生子今悉何在九子見龍驚走獨小子不能去背龍而坐龍因舐之其母鳥語謂背為九謂坐為隆因名

子曰九隆及後長大諸兄以九隆能為父所舐而黠遂共推以為王後牢山下有一夫一婦復生十女子九隆兄弟皆娶以為妻後漸相滋長種人皆刻畫其身象龍文衣皆著尾九隆死世世相繼乃分置小王徃徃邑居散在谿谷絕域荒外山川阻深生人以來未嘗交通中國

嗜慾

嗜好物慾者

述律廢政嗜飲五代史

述律本夷狄種號自立改元應曆號天順皇帝後更名璟述律有疾不能近婦人左右給事多以宦者然畋獵好飲酒不恤國事每酣飲自夜至旦晝則常睡國人謂之睡王

遺命

臨終囑付後人者

吐谷阿豺囑子北史

吐谷渾阿豺臨死召諸子弟告之曰先公車騎捨其子虔以大業屬吾豈敢忘先公之舉而私於緯代其以慕瑣繼事阿豺有子二十人緯代長子也阿豺又謂曰汝等各奉吾一隻箭將玩之地下俄而命母弟慕利延曰汝取一隻箭折之慕利延折之曰汝取十九隻箭折之慕延不能折阿豺曰汝曹知不單者易折衆則難摧戮力一心然後社稷可固言終而死

吐延帶劍託子北史

吐谷渾死本遼東鮮卑氏也有子六十人長子吐延身長七尺八寸勇力過人性刻暴為昂城羗酋美聰所刺劍猶在體呼子

葉延語其大將絕拔涅曰吾氣絕棺斂訖便速去保蘭地既遠又土俗懦弱易控禦葉延小兒欲授餘人恐倉卒終不能相制今以葉延付汝竭股肱之力以輔之孺子得立吾無恨也抽劍而死

報怨

報復怨恨者

馬耆會滅白山晉書

馬耆國王龍安遣子入侍安夫人獵胡之女姪身十二月剖脇生子曰會立之為世子會少而勇傑安病篤謂會曰我嘗為龜茲王白山所辱不忘於心汝能雪之乃吾子也及會立襲滅白山遂據其國

女主

國俗以女為主者

倭國立女主為王後漢

後漢安帝永初元年倭國王帥升等獻生口百六十人願請見桓靈間倭國大亂更相攻伐歷年無主有一女子名曰卑彌呼年長不嫁事鬼神道能以妖惑眾於是共立為王侍婢千人少

有見者唯有男子一人給飲食傳辭語居處宮室樓觀城柵皆持兵守衛法俗嚴峻自女王國東度海千餘里至拘奴國雖皆倭種而不屬女王自女王國南四千餘里至朱儒國人長三四尺自朱儒東南行船一年至裸國黑齒國使驛所傳極於此矣

南蠻悉莫威令 唐書

南蠻訶陵亦曰社婆曰閻婆在南海中肅宗上元間國人推女

子為王號悉莫威令整

不舉遺大食君聞之齎金一囊

其郊行者輒避如是三年太子過以足躡金悉莫怒將斬之群臣固請悉莫曰而非實本於足可斷趾羣臣復為請乃斬指以徇大食聞而畏之不敢加兵

黃氏撫眾宋史

仁宗至和九年八月樂昌縣黎賊劫省民焚縣治為亂黎人王日存王承福陳顏招降之瓊管安撫司上其功得借補承節郎淳熙元年詔承節郎王日存子孫許襲職四年冬萬安軍王利學寇省地蓋旻進率眾拒之兵弱戰沒八年六月詔三十六峒都統領王氏女襲封宜人初王氏居化外累世立功邊陲皆受封爵紹興間瓊山民許益為亂王母黃氏撫諭諸峒無敢從亂者以功封宜人至是黃氏年老無子請以其女襲封朝廷從之

風俗

夷狄之土風習俗者

匈奴隨畜田獵為生業前漢

匈奴其先夏后氏之苗裔曰淳維唐虞以上有山戎獫狁薰粥居于北邊隨草畜牧而轉移其畜之所多則馬牛羊其奇畜則橐佗驢羸馱駃騠逐水草遷徙無城郭常居耕田之業然亦各有分地無文書以言語為約束兒能騎羊引弓射鳥鼠少長則射狐兔肉食士力能彎弓盡為甲騎其俗寬則隨畜田獵禽獸為生業急則人習戰攻以侵伐其天性也其長兵則弓矢短兵則刀鋌利則進不利則退不羞遁走苟利所在不知禮義自君王以下咸食畜肉衣其皮革被旃裘壯者食肥美老者飲食其餘貴壯健賤老弱父死妻其後母兄弟死皆取其妻妻

之其俗有名不諱而無字

大倭國躡踞為恭後漢

大倭王居邪馬臺國樂浪郡徼去其國萬二千里去其西北界拘邪韓國七千餘里其地大較在會稽東冶之東與朱崖儋耳相近故其法俗多同土宜禾稻麻紵蠶桑知織績為縑布出白珠青玉其山有丹土氣溫腴冬夏生菜茹無牛馬虎豹羊鵲其兵有矛楯木弓竹矢或以骨為鏃男子皆黥面文身以其文左右大小別尊卑之差其男衣背橫幅結束相連女人被髮屈紒衣如單被貫頭而著之並丹朱坊身如中國之用粉也有城柵屋室父母兄弟異處唯會同男女無別飲食以手而用籩豆俗皆徒跣以躡踞為恭敬人性嗜酒多壽考至百餘歲者甚衆國多女子大人皆有四五妻其餘或兩或三女人不淫不妒又俗

不盜竊少爭訟犯法者沒其妻子重者滅其門族其死停喪十餘日家人哭泣不進酒食而等類就歌舞為樂灼骨以卜用决言凶行來度海今一人不擲沐不食肉不近婦人名曰持衰昔在塗言利則顧以財物如病疾遭害以為持衰不謹便共殺之漢光武建武中元二年倭奴國奉貢朝賀使人自稱大夫倭國之極南界也光武賜以印綬

高句驪所部風俗後漢

高句驪在遼東之東千里南與朝鮮滅貊東與沃沮北與夫餘接地方二千里多大山深谷人隨而為居少田業力作不足以自資故其俗節於飲食而好修宮室東夷相傳以為夫餘別種故言語法則多同而跪拜曳一脚行步皆走凡有五族有消奴部絕奴部順奴部灌奴部桂婁部本消奴部為王稍微弱後桂

婁部代之其置官有相加對盧沛者古鄒大加主簿優台使者帛衣先人武帝滅朝鮮以高句驪為縣使屬玄菟賜鼓吹伎人其俗淫皆潔淨自喜慕夜輒男女群聚為倡樂好祠鬼神社稷零星以十月祭天大會名曰東盟其國東有大穴號越神亦以十月迎而祭之其公會衣服皆錦繡金銀以自飾大加主簿皆著幘如冠幘而無後其小加著折風形如弁無牢獄有罪諸加評議便殺之沒入妻子為奴婢其婚姻皆就婦家生子長大然後將還便稍營送終之具金銀財幣盡於厚葬積石為封亦種松柏其人性凶急有氣力習戰鬪好寇鈔沃沮東滅皆屬焉句驪一名貊耳有別種依小水為居因名曰小水貊出好弓所謂貊弓是也

冉駹夷附漢為郡後漢

冉駹夷者漢武帝所開元鼎六年以為汶山郡至地節三年夷人以立郡賦重宣帝乃省并蜀郡為北部都尉其山有六夷七羌九氐各有部落其王侯頗知文書而法嚴重貴婦人黨母族死則燒其尸土氣多寒在盛夏冰猶不釋故夷人冬則避寒入蜀為傭夏則違暑反其衆邑皆依山居止累石為室高者至十餘丈為邛籠又土地剛鹵不生穀粟麻菽唯以麥為資而宜畜牧有旄牛無角一名童牛肉重千斤毛可為氍出名馬有靈羊可療毒又有食藥鹿鹿麋有胎者其腸中糞亦療毒疾又有五角羊麝香麝毛氍雞牲牲其人能作旄氍班蜀青頓髦氍羊羴之屬特多雜藥地有鹹土煮以為鹽麇羊牛馬食之皆肥其西又有三河繁于虜北有黃石北地盧水胡其表乃為徼外靈帝時復分蜀郡北部為汶山郡云

夫餘國地方風俗後漢

夫餘國在玄菟北千里南與高句驪東與挹婁西與鮮卑接北有弱水地方二千里本濊地也初北夷素離國王出行其侍兒於後倭身王還欲殺之侍兒曰前見天上有氣大如雞子來降我因以有身王囚之後遂生男王令置於豕牢豕以口氣噓之不死復徙於馬蘭馬亦如之王以為神乃聽母收養名曰東明東明長而善射王忌其猛復欲殺之東明奔走南至掩淲水以弓擊水魚鼈皆聚浮水上東明乘之得渡因至夫餘而王之馬於東夷之域最為平敞土宜五穀出名馬赤玉貂豹大珠如酸棗以負柵為城有宮室倉庫牢獄其人麤大疆勇而謹厚不為寇鈔以弓矢刀矛為兵以六畜名官有馬加牛加狗加其邑落皆主屬諸加食飲用俎豆會同拜爵洗爵揖讓升降以臘月祭

天大會連日飲食歌舞名曰迎鼓是時斷刑獄解囚徒有軍事亦祭天殺牛以號占其吉凶行人無晝夜好歌吟音聲不絕其俗用刑嚴急被誅者皆沒其家人為奴婢盜一責十二男女淫皆殺之尤治惡妒婦既殺復尸於山上兄死妻嫂死則有槨無棺殺人殉葬多者以百數其王葬用玉匣漢朝常豫以玉匣付玄菟郡王死則迎取以葬焉建武中東夷諸國皆來獻見二十五年夫餘王遣使奉貢光武厚答報之於是使命歲通至去帝永初五年夫餘王始將步騎七八千人寇鈔樂浪殺傷吏民後復歸附永寧元年乃遣嗣子尉仇台詣闕貢獻天子賜尉仇台印綬金綵順帝永和元年其王來朝京師帝作黃門鼓吹角抵戲以遣之桓帝延熹四年遣使朝賀貢獻永康元年王夫台將二萬餘人寇玄菟玄菟太守公孫域擊破之斬首千餘級至靈

帝熹平三年復奉章貢獻夫餘本屬玄菟獻帝時其王求屬遼東云

倭國風俗魏書

倭人在帶方東南大海之中依山島為國邑舊百餘國漢時有朝見者今使譯所通三十國從郡至倭循海岸水行歷韓國乍南乍東到其北岸狗邪韓國七千餘里始渡一海千餘里至對馬國其大官曰卑狗副曰卑奴毋離所居絕島方可四百餘里土地山險多深林道路如禽鹿徑有千餘戶無良田食海物自活乘船南北市糴又南渡一海千餘里名曰瀚海至一大國官亦曰卑狗副曰卑奴毋離方可三百里多竹木叢林有三千許家差有田地畊田猶不足食亦南北市糴又渡一海千餘里至末盧國有四千餘戶濱山海居草木茂盛行不見前人好捕魚

鯁水無深淺皆沉沒取之東南陸行五百里到伊都國官曰爾
支副曰泄謨觚柄渠觚有千餘戶世有五皆統屬女王國郡使
往來常所駐東南至奴國百里官曰兒馬觚副曰卑奴毋離有
二萬餘戶東行至不彌國百里官曰多模副曰卑奴毋離有千
餘家南至投馬國水行二十日官曰彌彌副曰彌彌那利可五
萬餘戶南至邪馬壹國女王之所都水行十日陸行一月官有
伊支馬次曰彌馬升次曰彌馬獲支次曰奴佳鞮可七萬餘戶
自女王國以北其戶數道里可得略載其餘旁國遠絕不可得
詳次有斯馬國次有已百支國次有伊邪國次有郡支國次有
彌奴國次有好古都國次有不呼國次有姐奴國次有對蘇國
次有蘇奴國次有呼邑國次有華奴蘇奴國次有鬼國次有為
吾國次有鬼奴國次有邪馬國次有躬臣國次有巴利國次有

支惟國次有烏奴國次有奴國此女王境界所盡其南有狗奴
國男子為王其官有狗古智卑狗不屬女王自郡至女王國萬
一千餘里男子無大小皆黥面文身自古以來其使詣中國皆
自稱大夫夏后少康之子封於會稽斷髮文身以避蛟龍之害
今倭水人好沉沒捕魚蛤文身亦以厭大魚水禽後稍以為飾
諸國文身各異或左或右或大或小尊卑有差計其道里當在會
稽東治之東其風俗不淫男子皆露紒以木綿招頭其衣橫
幅但結束相連畧無縫婦人被髮屈紒作衣如單被穿其中央
貫頭衣之種禾稻紵麻蠶桑績績出細紵縑綿其地無牛馬虎
豹羊鵠兵用矛楯木弓木弓短下長上竹箭或鐵鏃或骨鏃所
有無與儋耳朱崖同倭地溫暖冬夏食生菜皆徒跣有屋室父
母兄弟卧息異處以朱丹塗其身體如中國用粉也食飲用邊

豆手食其死有棺無槨封土作冢始死停喪十餘日當時不食肉喪主哭泣他人就歌舞飲酒已葬舉家詣水中澡浴以如練沐其行來渡海詣中國恒使一人不梳頭不去蟻蟲衣服垢污不食肉不近婦人如喪人名之為持衰若行者言善共顧其生口財物若有疾病遭暴害便欲殺之謂其持衰不謹出真珠青玉其山有丹其木有栴杼豫樟栲櫨投檣烏號楓香其竹篠簞桃支有薑橘椒蘘荷不知以為滋味有獼猴黑雉其俗舉事行來有所云為輒灼骨而卜以占吉凶先告所卜其辭如今龜法視火坼占兆其會同坐起父子男女無别人性嗜酒見大人所敬但搏手以當跪拜其人壽考或百年或八九十年其俗國大人皆四五婦下戶或二三婦婦人不淫不妬忌不盜竊少諍訟其犯法輕者沒其妻子之重者滅其門戶及宗族尊卑各有差序

足相臣服收租賦有邸閣國國有市交易有無使大倭監之自女王國以止特置一大率檢察諸國畏憚之常治伊都國於國中如有刺史王遣使詣京都帶方郡諸韓國及郡使倭國皆臨津搜露傳送文書賜遺之物詣女王不得差錯下戶與大人相逢道路逡巡入草傳辭說事或躄或跪兩手據地為之恭敬對應聲曰噫比如然諾其國本亦以男子為王住七八十年倭國亂相攻伐歷年乃共立一女子為王名曰卑彌呼事鬼道能惑衆年已長大無夫婿有男弟佐治國自為王以來少有見者以婢千人自侍唯有男子一人給飲食傳辭出入居處宮室樓觀城柵嚴設常有人持兵守衛女王國東渡海千餘里復有國皆倭種又有洙儒國在其南入長三四尺去女王四千餘里又有裸國黑齒國復在其東南船行一年可至

馬韓國異俗 魏書

韓在帶方之南東西以海為限南與倭接方可四十里有三種
一曰馬韓二曰辰韓三曰弁韓辰韓者古之辰國也馬韓在西
其俗少綱紀國邑雖有主帥邑落雜居不能善相制御無跪拜
之禮居處作草屋土室形如冢其戶在上舉家共在中無長幼
男女之別其葬有棺無槨不知乘牛馬牛馬盡於送死以瓔珠
為財寶或以綴衣為飾或以縣頸垂耳不以金銀錦繡為珍其
人性疆勇魁頭露紒如吳兵衣布袍足履革蹻蹋其國中有所
為及官家使築城郭諸年少勇健者皆鑿脊皮以大繩貫之又
以文許木鍾之通日嚙呼作力不以為痛既以勸作且以為健
常以五月下種訖祭鬼神群聚歌舞飲酒晝夜無休其舞數十
人俱起相隨踏地低昂手足相應節奏有似鐸舞十月農功畢

亦復如之信鬼神國邑各立一人主祭天神名之天君又諸國
各有別邑名之為蘇塗立大木縣鈴鼓事鬼神諸亡逃至其中
皆不還之好作賊其立蘇塗之義有似浮屠而所行善惡有異
其北方近郡諸國差曉禮俗其遠處直入囚徒奴婢相聚無他
珍寶禽獸草木畧與中國同出大栗大如梨又出細尾雞其尾
皆長五尺餘其男子時時有文身又有州胡在馬韓之西海中
大島上其人差短小言語不與韓同皆髡頭如鮮卑但衣韋好
養牛及豬其衣有上無下如裸勢乘船往來市買中韓

夫餘制度 魏書

夫餘在長城之北去玄菟千里南與高句麗東與挹婁西與鮮
卑接北有弱水方可二千里戶八萬其民土著有宮室倉庫牢
獄多山陵廣澤於東夷之域最平敞土地宜五穀不生五果其

人麀大性疆勇謹厚不寇鈔國有君王皆以六畜名官有馬加牛加猪加狗加犬使大使者使者邑落有豪民名下戶皆為奴僕諸加別主四出道大者王數千家小者數百家食飲皆用俎豆會同拜爵洗爵揖讓升降以殷正月祭天國中大會連日飲食歌舞名曰迎鼓於是時斷刑獄解囚徒在國衣尚白白布大袂袍袴履革鞜出國則尚繒繡錦蜀大人加狐狸狄白黑貂之裘以金銀飾帽譯人傳辭皆跪手據地竊語用刑嚴急殺人者死沒其家人為奴婢竊盜一責十二男女淫婦人妬皆殺之尤憎妬婦已殺尸之國南山上至腐爛女家欲得輸牛馬乃與之兄死妻嫂與匈奴同俗其國善養牲出名馬赤玉貂狄美珠珠大者如酸棗以弓矢刀矛為兵家家自有鎧仗國之耆老自說古之亡人作城柵皆負有似牢獄行道晝夜無老幼皆歌通曰

聲不絕有軍事亦祭天殺牛觀蹄以上吉凶蹄解者為凶合者為吉有敵諸加自戰下戶俱檐糧飲食之其死夏月皆用冰殺人徇葬者百數厚葬有擲無棺夫餘本屬玄菟漢末公孫度雄張海東威服外夷夫餘王尉仇台更屬遼東時句麗鮮卑疆度以夫餘在二虜之間妻以宗女尉仇台死簡位居立無適子有孽子麻余位居死諸加共立麻余牛加兄子名位居為大使輕財善施國人附之歲歲遣使詣京都貢獻正始中幽州刺史毋丘儉討句麗遣玄菟太守王頎詣夫餘位居遣大加郊迎供軍糧季父牛加有二心位居殺季父父子籍沒財物遣使簿斂送官舊夫餘俗水旱不調五穀不熟輒歸咎於王或言當易或言當殺麻余死其子依慮年六歲立以為王漢時夫餘王葵用玉匣常豫以付玄菟郡王死則迎取以葬公孫淵伏誅玄菟庫

猶有五匣一具今夫餘庫有玉璧珪瓚數代之物傳世以為寶
者老言先代之所賜也其印文言濊王之印國有故城名濊城
蓋本濊貊之地而夫餘王其中自謂亡人抑有以也

挹婁猪膏塗身

魏書

挹婁在夫餘東北千餘里濱大海南與北沃沮接未知其北所
極其土地多山檢其人形似夫餘言語不與夫餘句麗同有五
穀牛馬麻布人多勇力無大君長邑落各有大人處山林之間
常穴居大家深至九梯以為多為好土氣寒劇於夫餘其俗好養
猪食其肉衣其皮冬以猪膏塗身厚數分以御風寒夏則裸袒
以尺布隱其前後以蔽形體其人不潔作溷在中央人圍其表
居其弓長四尺力如弩矢用楛長尺八寸青石為鏃古之肅慎
氏之國也善射射人皆入因矢施毒人中皆死出赤玉好貂今

所謂挹婁貂是也自漢以來臣屬夫餘夫餘責其租賦重以黃
初中叛之夫餘數伐之其人眾雖少所在山險鄰國人畏其弓
矢卒不能服也其國便乘船寇盜鄰國患之東夷飲食類皆用
俎豆唯挹婁不法俗最無綱紀也

祭虎為神

魏書

濊南與辰韓北與高句麗沃沮接東窮大海今朝鮮之東皆其
地也戶二萬昔箕子既適朝鮮作八條之教以教之無門戶之
閉而民不為盜其後四十餘世朝鮮侯準僭號稱王陳勝等起
天下叛秦燕齊趙民避地朝鮮數萬口燕人衛滿魁結夷服復
來王之漢武帝伐滅朝鮮分其地為四郡自是之後胡漢稍別
無大君長自漢以來其官有侯邑君三老統主下戶其耆老舊
自謂與句麗同種其人性愿慤少嗜慾有廉恥不誤句麗言語

法俗大抵與句麗同衣服有異男女衣皆著曲領男子繫銀花
廣數寸以為飾自單單大山嶺以西屬樂浪自嶺以東七縣都
尉主之皆以濊為民後省都尉封其渠師為侯今不耐濊皆其
種也漢末更屬句麗其俗重山川山川各有部分不得妄相涉
入同姓不婚多忌諱疾病死亡輒捐棄舊宅更作新居有麻布
蠶桑作繅曉候星宿豫知年歲豐約不以珠玉為寶常用十月
祭天晝夜飲酒歌舞名之為舞天又祭虎以為神其邑落相侵
犯輒相罰責生口牛馬名之為責禍殺人者償死少寇盜作矛
長三文或數人共持之能步戰樂浪檀弓出其地其海出班魚
皮土地饒文豹又出果下馬漢桓時獻之

弁韓生男石壓其頭

魏書

弁辰亦十二國又有諸小別邑各有渠帥大者名臣智其次有

險側次有樊濊次有殺奚次有邑借有已抵國不斯國弁辰彌
離彌凍國弁辰接坐國勤耆國難彌離彌凍國弁辰古資彌凍
國弁辰古淳是國山牟奚國弁辰半路國弁樂奴國軍彌國弁軍
彌國弁辰彌烏邪國如湛國弁辰甘路國戶路國州鮮國馬
延國弁辰狗邪國弁辰走漕馬國弁辰安邪國馬延國弁辰瀆
盧國斯盧國優中國弁辰韓合二十四國大國四五千家小國
六七百家總四五苗戶其十二國屬辰王辰王常用馬韓人作
之世世相繼辰王不得自立為王土地肥美宜種五穀及稻曉
蠶桑作繅布乘駕牛馬嫁娶俗男女有別以大鳥羽送死其
意欲使死者飛揚國出鐵韓濊皆從取之諸市買皆用鐵如
中國用錢又以供給二郡俗喜歌舞飲酒有瑟其形似筑彈之
亦有音曲兒生便以石壓其頭欲其禰今辰韓人皆禰頭男女

近倭亦文身便步戰兵仗與馬韓同其俗行者相逢皆住讓路

肅慎巢居穴處晉書

肅慎氏一名挹婁在不咸山北去夫餘可六十日行東濱大海西接寇漫汗國北極弱水其土界廣袤數千里居深山窮谷其路險阻車馬不通夏則巢居冬則穴處父子世為君長無文墨以言語為約有馬不乘但以為財產而已無牛羊多畜猪食其肉衣其皮續毛以為布有樹名誰常若中國有聖帝伐立則其木生皮可衣無井竈作瓦鬲受四五升以食坐則箕踞以足挾肉而啖之得凍肉坐其上令暖土無鹽鐵燒木作灰灌取汁而食之俗皆編髮以布作襜徑尺餘以蔽前後將嫁娶男以毛羽挿女頭女和則持歸然後致禮媾之婦貞而女淫貴壯而賤老死者其日即葬之於野交木作小椁殺猪積其上以為死者之

糧性凶悍以無憂立相尚父母死男子不哭泣哭者謂之不壯相盜竊無多少皆殺之故雖野處而不相犯有石砮皮骨之甲檀弓三尺五寸楛矢長尺有咫其國東北有山出石其利入鐵將取之必先祈神周武王時獻其楛矢石砮逮于周公輔成王復遣使入賀爾後千餘年雖秦漢之盛莫之致也及文帝作相魏景元末來貢楛矢石砮弓甲貂皮之屬魏帝詔歸于相府賜其王儻雞錦罽絺帛至武帝元康初復來貢

龜茲男女翦髮垂項晉書

龜茲國西去洛陽八千二百八十里俗有城郭其城三重中有佛塔廟千所人以田種畜牧為業男女皆翦髮垂項王宮壯麗煥若神居武帝大康中其王遣子入侍

文身國制度南史

文身國在倭東北七千餘里土俗歡樂物豐而踐行客不齎糧有屋宇無城郭國王所居飾以金銀珍麗繞屋為塹廣一丈實以水銀雨則流于水銀之上市用珍寶犯輕罪者則鞭杖犯死罪則置猛獸食之有枉則獸避而不食經宿則赦之

師子國鬼神市場南史

師子國天竺旁國也其地和適無冬夏之異五穀隨人種不須時節其國舊無人止有鬼神及龍居之諸國商估來貢市易鬼神不見其形但出珍寶顯其所堪價商人依價取之諸國人聞其土樂因此競至或有住者遂成大國

扶南四葬南史

扶南國其俗居喪則剃除鬚髮死者有四葬水葬則投之江流火葬則焚為灰燼土葬則瘞埋之鳥葬則棄之中野人性貪吝

無禮義男女恣其奔隨

海島人物南史

梁武帝天監六年晉安人渡海為風所飄至一島登岸有人居止則如中國而言語不可曉男則人身有狗頭其聲如吠其食有小豆其衣如布築土為牆其形圓其戶如竇云

女國婦人水娠南史

扶桑國東千餘里有女國容貌端正色甚潔白身體有毛髮長委地至二三月競入水則妊娠六七月產子女人曾前無乳頂後生毛根白毛中有汁以乳子百日能行三四年則成人矣見人驚避偏畏丈夫食鹹草如禽獸鹹草葉似邪蒿而氣香味鹹

毗騫王不死南史

毗騫國去扶南八千里傳其王身長丈二頭長三尺自古不死

莫知其年王神聖國中人善惡及將來事王皆知之是以無敢欺者南方號曰長頸王國俗有室屋衣服噉粳米其人言語小異扶南有山出金金露生石上無央限也國法刑人並於王前噉其肉國內不受估客有往者亦殺而噉之是以商旅不敢至王常棲居不血食不事鬼神其子孫生死如常人唯王不死

混填納扶南女為妻 南史

扶南國俗本裸文身被髮以女人為王號曰柳葉年少壯健有似男子其南有激國有事鬼神者字混填夢神賜之弓乘賣人舶入海混填晨起即詣廟於神樹下得弓便依夢乘舶入海遂至扶南外邑柳葉人衆見舶至欲劫取之混填即張弓射其舶穿度一面矢及侍者柳葉大懼舉衆降混填填乃教柳葉穿布貫頭形不復露遂君其國納柳葉為妻生子分王七邑

扶南沸湯魚獸決獄 南史

扶南國大王蔓乃作大船窮漲海開國十餘闢地五六千里次當代金鄰國蔓遇疾遣太子金生代行蔓姊子旃因篡蔓自立遣人詐金生而殺之蔓死時有乳下兒名長在人間至年二十乃結中壯士襲殺旃旃大將范尋又攻殺長而代立更繕國內起觀閣遊戲之朝旦中晡三四見客百姓以蕉蔗龜鳥為禮國法無牢獄有訟者先齋三日乃燒斧極赤令訟者捧行七步又以金鑲雞卵投沸湯中令採取之若無實者手即爛有理者則不又於城溝中養鰐魚門外圍猛獸有罪者輒以餒猛獸及鰐魚魚獸不食為無罪三日乃放之鰐大者長三丈餘狀似鼉有四足喙長六七尺兩邊有齒利如刀劍常食魚遇得麋鹿及人亦噉之

突厥絞頸以驗脩短 北史

突厥其俗被髮左衽穹廬氈帳隨逐水草遷徙以畜牧射獵為事食肉飲酪身衣裘褐賤老貴壯寡廉耻無禮義猶古之匈奴其主初立近侍重臣等與之以氈隨日轉九回每回臣下皆拜拜訖乃扶令乘馬以帛絞其頸使纒不至絕然後釋而急問之曰你能作幾年可汗其主既神情瞽亂不能詳定多少臣下等隨其所言以驗脩短之數

匈奴異俗 北史

匈奴宇文莫槐出遼東塞外其先南單于之遠屬也世為東部大人其語與鮮卑頗異人皆翦髮而留其頂上以為首飾長過數寸則截短之婦女被長襦及足而無裳焉秋收烏頭為毒藥以射禽獸

高車婚媾 北史

高車其俗躡踞褻黷無所忌避婚姻用牛馬納媾以為榮結言既定男黨營車闌馬令女黨恣取上馬祖乘出闌馬主立闌外振手驚馬不墜者即取之墜則更取數滿乃止俗無殺不作酒迎婦之日男女相將持馬酪熟肉節解主人延賓亦無行位穹廬前叢坐飲宴終日復留其宿明日將婦歸既而夫黨還入其家馬群極取良馬父母弟兄雖惜終無言者頗諱取寡婦而優憐之

高車異俗 北史

高車之俗其畜產自有記識雖闌縱在野終無妄取俗不清潔喜致震霆每震則叫呼射天而集之移去來歲秋馬肥復相率候於震所埋殺羊然火拔刀女巫祝說似如中國被除而群隊

馳馬旋繞百匝乃止人持一束柳棹回登之以乳酪灌馬婦人以皮裹羊骸戴之首上縈屈髮鬢而綴之有似軒冕其死亡葬送掘地作坎坐尸於中張臂引弓佩刀伏梢無異於生而露坎不掩時有震死及疫厲則為之祈福若女全無他則為報賽多殺雜畜燒骨以燎走馬遶旋多者數百世男女無小大皆集會平吉之人則歌舞作樂死喪之家則悲吟哭泣其遷徙隨水草衣皮食肉牛羊畜產盡與蠕蠕同唯車輪高大輻數至多

烏菴爭訴服藥北史

烏菴國在賒彌南北人有爭訴服之以樂曲者發狂直言無恙為法不殺犯死罪唯徙於靈山西南有檀特山山上立寺以鹽數頭運食山下無人控御自知往來也

女國剥皮埋骨北史

女國在葱嶺南其國世以為王其俗婦人輕丈夫而性不妬忌男女皆以彩色塗面而一日中或數度變改之人皆被髮貴人死剥皮以金屑和骨肉置瓶中埋之經一年又以其皮肉鐵器埋之俗事阿脩羅神又有樹神歲初以人祭或用獼猴祭畢入山祝之有一鳥如雌雉來集掌上破其腹視之有衆粟則年豐沙石則有災謂之鳥卜

吐火羅兄弟同妻北史

吐火羅國都葱嶺西五百里其俗奉佛兄弟同一妻迭寢焉每一人入房戶外挂其衣以為志生子屬其長兄其山穴中有神馬每歲牧馬於穴所必產名駒

曹國敬事得悉神北史

曹國都那密水南數里國中有得悉神自西海以東諸國並敬

事之其神有金人破羅闕人文有五尺高下相稱每日以駝五頭馬十疋羊一百口祭之常有數千人食之不盡

穆國祠順天神 北史

穆國都烏許河之西其俗重淫祠葱嶺山有順天神者儀制極華金銀鏤為屋以銀為地祠者日有千餘人祠前有一魚脊骨有孔中通馬騎出入國王戴金牛頭冠坐金馬座

蠻獠好淫祀 北史

獠者蓋南蠻之別種無氏族之別依樹積木以居其上名曰干闌好相殺害若殺其父走避外求得一狗以謝不復嫌恨若報怨必殺而食之其俗畏鬼神尤尚淫祀所殺之人美鬚髯者乃剥其面皮籠之於竹及燥號之曰鬼鼓舞祀之以求福利至有賣其昆季妻孥盡者乃自賣以供祭焉

赤土國構棚焚屍 北史

赤土國扶南之別種也其俗皆穿耳翦髮無跪拜之禮以香油塗身其俗敬佛尤重婆羅門婦人作髻於項後男女通以朝霞朝雲雜色布為衣豪富之室恣意華靡雀金鏤非王賜不得服用每婚嫁擇吉日女家先期五日作樂飲酒父執女手以授婿七日乃配既娶即分財別唯少子與父居父母兄弟死則剔髮素服就水上構竹木為棚棚內積薪以屍置上燒香建幡吹蠶擊鼓以送火焚薪遂落於水貴賤皆同唯國王燒訖收灰貯以金瓶藏於廟屋冬夏常溫雨多霽少種植無時特宜稻稔白豆黑麻自餘物產多同於交趾以甘蔗作酒雜以紫瓜根酒色黃赤味亦香美亦以椰漿為酒

噉噉兄弟同妻 北史

噉噉國大月氏之種類也其俗兄弟共一妻夫無兄弟者妻戴一角帽若有兄弟者依其多少之數更加帽焉衣服類加以纓絡頭皆翦髮

于闐不見王髮北史

于闐國其王髮不令人見俗言若見王髮其年必儉云

且末熱風為患北史

且末國西北有流沙數百里夏月有熱風為行旅之患風之所至唯老駝預知之即噴而聚立埋其口鼻於沙中人每以為候亦即將氈擁蔽鼻口其風迅駛斯須過盡若不防者必至危斃

波知池龍北史

波知國在鉢和西南有二池傳云大池有龍王次者有龍婦小者有龍子行人經之設祭乃得過不祭多遇風雪之困

夷以二月為歲首唐書

西屠夷其地多霧雨產虎魄猩猩獸結遼鳥以二月為歲首稻歲再熟取檳榔瀋為酒椰葉為席俗凶悍果戰鬥以麝塗身日再塗再洗拜謁則合爪頓額有文字喜浮屠道冶金銀像大或十圍呼王為陽蒲通王妻為陀陽阿然太子為阿長通宰相為婆漫地王所居曰占城別居曰齊國曰蓬皮勢王衣白氈古貝斜絡臂飾金排為纓髮戴金華冠如章甫妻服朝霞古貝短裙冠纒如王王衛兵五千戰乘象藤為鎧竹為弓矢率象千馬四百分前後不設刑有罪者使象踐之或送不勞山界自死

婆賄伽盧製度唐書

婆賄伽盧國土熱衢路植椰子樹椰子樹仰不見日王居以金為甃

厨覆銀瓦爨香木堂飾明珠有一池以金為隄舟楫皆飾金寶
驛王姓困沒長名摩羅惹其相曰摩訶那王出輿以金網狀
遠則乘象嬪史數百人青甕為圓城周百六十里有十二門四
隅作浮圖民皆居中鉛錫為瓦荔支為材俗惡殺拜以手抱臂
稽顙為恭明天文喜佛法有百寺琉璃為甍錯以金銀丹彩紫
鑲塗地覆以錦罽王居亦如之民七歲祝髮止寺至二十有不
達其法復為民水用白氎朝霞以蠶帛傷生不敢衣戴金花冠
率冒絡雜珠王宮設金銀二鍾寇至焚香擊之以占吉凶有巨
白象高百尺訟者焚香跪象前自思是非而退有災疫王亦焚
香對象跪自咎無桎括有罪者束五竹楮皆重者五輕者三殺
人則死土宜菽粟稻梁蔗大若脛無麻麥以金銀為錢形如半
月號登伽陀亦曰足彈陀無膏油以蠟雜香代炷與諸蠻市以

江豬白氎琉璃罽毼相易婦人當頂作高髻飾銀珠琲衣青娑
裙披羅段行持扇貴家者傍至五六

吐蕃戴珠五代史

吐蕃男子冠中國帽婦人辮髮戴瑟瑟珠云珠之好者一珠易
一良馬

于闐好佛五代史

于闐聖天衣冠如中國其殿皆東向曰金冊殿有樓曰七鳳樓
以蒲桃為酒又有紫酒青酒不知其所釀而味尤美其食粳沃
以蜜粟沃以酪其衣布帛有園圍花木俗喜鬼神而好佛聖天
居處嘗以紫衣僧五十人列侍

党項人壽五代史

党項西羗之遺種其國在禹貢折支之地東至松州西接葉護

南界春桑北隣吐渾有地三千餘里無城邑而有室屋以毛罽覆之其人喜盜竊而多壽往往至百五六十歲其大姓有細封氏費聽氏折氏野利氏拓拔氏為最強

韃切子生而食肉 五代史

韃切子其人髦首披布為衣不鞍而騎大弓長箭尤善射遇人輒殺而生食其肉契丹等國皆畏之契丹五騎遇一韃切子則皆散走

契丹頑傲 五代史

契丹比佗夷狄尤頑傲父母死以不哭為勇載其尸深山置大木上後三歲往取其骨焚之酌而呪曰夏時向陽食冬時向陰食使我射獵猪鹿多得其風俗與奚靺鞨同

鐵甸異俗 五代史

鐵甸其族野居皮帳而人剛勇其地少草木水鹹濁色如血澄之久而後可飲又東女真善射多牛鹿野狗其人無定居行以牛負物遇雨則張葦為屋常作鹿嗚呼鹿而射之食其生肉能釀糜為酒醉則縛之而睡醒而後解不然則殺人

殊方產物 五代史

唐明宗遣使者冊仁裕為順化可汗晉高祖時又冊為奉化可汗阿咄欲不知其為狄銀親疏亦不知其立卒而仁裕訖五代常來朝貢史亦失其紀其地出玉犛牛綠野馬獨峯駝白貂鼠羚羊角兩砂脰膈金剛鑽紅鹽罽毼駝之葦其地宜白麥青麩麥黃麻葱韭胡荽以橐駝耕而種其可汗常樓居妻號天公主其國相號媚祿都督見可汗則去帽被髮而入以為禮婦人總髮為髻高五六寸以紅絹囊之既嫁則加氈帽又有別族

號龍家其俗與回紇小異

姬厥律國出魚鼠五代史

姬厥律其人長大髦頭首長全其髮盛以紫囊地苦寒水出大魚契丹仰食又多黑白黃貂鼠皮北方諸國皆仰足其人最勇隣國不敢侵

胡嶠陳契丹大畧五代史

蕭翰鎮汴州聞遼太宗德光死北歸有同州郃陽縣令胡嶠為翰掌書記隨入契丹而翰妻爭妬告翰謀反翰見殺嶠無所依居虜中七年當周太祖廣順三年亡歸中國略能道其所見云自幽州西北入居庸關明日又西北入石門關關路崖狹一夫可以當百此中國控扼契丹之險也又三日至可汗州南望五臺山其峯最高者東臺也以三日至新武州西北行五十里有

雞鳥山云唐太宗北伐聞雞鳴于此因以名山明日入永定關此唐故關也又四日至歸化州又二日登天嶺嶺東西連亘有路北下四顧真然黃雲白草不可窮極契丹謂嶠曰此辭鄉嶺也可一南望而為永訣同行者皆慟哭徃徃絕而復蘇又行三四日至黑榆林時七月寒如深冬又明日入斜谷谷長五十里高崖峻谷仰不見日而寒尤甚已出谷得平地氣稍溫又行二日渡湟水又明日渡黑水又二日至湯城地氣最溫契丹苦大寒則就溫于此其冰泉清冷草軟如茸可藉以寢而多異花記其二種一曰旱金大如掌金色燦人一曰青囊如中國金燈而色類藍可愛又行三日遂至上京所謂西樓也西樓有邑屋市肆交易無錢而用布有綾錦諸工作官者翰材伎術教坊角戲秀才僧尼道士等皆中國人而弁汾幽薊之人尤多自上京

甘州回鶻牙也其南山百餘里漢小月支之故地也有別族號
左夷山沙陀云朱耶氏之遺族也

西夏風土遼史

西夏本魏拓跋氏後其地則赫連國也遠祖思恭唐季受賜姓
曰李涉五代至宋世有其地至李繼遷始大據夏銀綬宥靜五州
身境七鎮其東西二十五驛南北十餘驛子德明曉佛書通法
每季觀太一金鑑訣野戰歌製番書十二卷又製字若符篆其
冠有白窄衫纏冠冠後垂紅結綬自號嵬名設官分文武其冠
用金縷貼間起雲銀紙帖緋衣金塗銀帶佩蹀躞解錐短刀弓
矢等類秃髮耳垂環紫旋襪六襲出入乘馬張青蓋以二旗前
行從者百餘騎民庶衣青綠華樂之五音為一音裁禮之九拜

三拜

大竺國俗宋史

天竺國舊名身毒亦曰摩伽陀復曰婆羅門俗宗浮圖道不飲
酒食肉漢武帝遣使十餘輩問出西南指求身毒為昆明所閉
莫能通至漢明帝夢金人於是遣使天竺問佛道法由是其教
傳於中國

南毗國灑地以防颶風宋史

南毗國在大海之西南由三佛齊風颶月餘可至其國王每巡
行先期遣兵百餘人持水灑地上以防颶風揚沙塵列鼎百以
進食日一易之置翰林官供王飲食俗喜戰鬥習刀稍善射鑿
雜白銀為錢產真珠菴布其國最遠番舶罕到時羅巴智力干
父子其種類也居泉之城南自是船舶多至其國矣
勃泥國昏聘飲椰子酒宋史

勃泥國在西南大海中去闍婆四十五日程去三佛齊四日程去占城與摩逸各三十日程皆計順風為測其國以板為城城中居者皆萬餘人所統十四州其王所居屋覆以草在王左右者為大人王坐繩牀若出衆昇之名曰阮囊戰鬪者則持刀被甲甲以之於身護其腹背其地無麥有麻稻又有送吉貝花織成布飲椰子酒昏聘之貨先以螺環又次之然後以吉貝布或量出銀成其以竹為輦也

三佛齊國俗

三佛齊國之孟南蠻之別種與占城為隣居十五州土立生紅藤火礦寶沉香檳榔椰子

所管 金銀

貿易諸物 四時之貨 無麥有米 及言白 真臘國戰象 宋史

真臘國戰象

真臘國亦在占城之南東際海西接蒲甘南抵加羅希其縣之風俗同占城地方七千餘里有銅臺列銅塔二十有四銅象八以鎮其上象各重四千斤其國有戰象幾二十萬馬多而小

丹眉流國以版為屋

丹眉流國西至占臘五十程南至羅越水路十五程西至西天三十五程北至程良六十程東北至羅斛二十五程東南至閣婆四十五程西南至程若十五程西北至洛華二十五程東北至廣州一曰三十五程其俗以版為屋跣足衣布無紳帶以白

紵纏其首以貝易以金銀其主所居廣袤五里無城郭出則乘象車亦有小馬地出犀象鍤石紫州蘇木諸藥四時炎熱無雪霜未嘗至中國

注輦國異產 宋史

注輦國東臨海五里西至天竺千五百里南至羅里北至頓田二千里自古不通中國水行至廣州一千四百里其國有城七重高七尺南北十二里城相去百步凡四城用埽二城用土最中城以木果雜木其第一至第三皆民居環以小河第四城第五城主之四子居之第六城為佛寺百僧居之所所居室四百餘區所統有二十一部落地產真頗黎檳榔豆蔻吉貝布獸有山羊黃牛鳥有山雞

甘藤羅千年棗椰子甘羅崑崙梅娑羅蜜等花有白末利散絲蛇臍佛桑麗秋青黃碧娑羅瑤蓮蟬紫水蕉之類

層檀國俗 宋史

層檀國在南海傍城距海二十里熙寧四年始入貢海道便風行百六十日經勿巡古林三佛齊國乃至廣州其王名亞美羅亞眉蘭傳國五百年十世矣人語音如大食地春冬暖貴人以越布纏頭服花錦白氎布出入乘象馬有奉祿其法輕罪杖重罪死穀有稻粟麥食有魚畜有綿羊山羊沙牛水牛橐駝馬犀象藥有木香血竭沒藥鵬砂阿魏薰陸產真珠玻璃蜜沙華三酒交易用錢官自鑄三分其齊金銅相半而銀居一分禁民私鑄元豐六年使保順郎將層伽尼再至神宗念其絕遠詔頒賚如故事仍加賜白金二千兩

銅鼓集衆宋史

徽宗大觀二年融州蠻其俗鑄銅為大鼓初成懸庭中置酒以
召同類爭以金銀為大釵叩鼓去則以釵遺主人相攻擊鳴鼓
以集衆號有鼓者為都老衆推服之唐末諸酋分據其地自為
刺史

父質與子宋史

徽宗大觀二年有融州屬蠻大丘洞首領楊光朝請內附又有
楊克端等百三人來歸皆納之諸蠻族類不一大抵依阻山谷
並林木為居椎髻跣足走險如履平地言語侏離衣服編爛畏
鬼神喜淫祀刻木為契不能相君長以財力雄疆每忿怒則推
刃同氣加兵父子間復讎怨不顧死出入腰弓矢匿草中射人
得牛酒則釋然矣親戚比隣指授相賣父子別業父貧則質身

於子去禽獸無幾

稻粟再熟宋史

西南諸夷漢牂牁郡地武帝元鼎六年定西南夷置牂牁郡唐
置費珍莊琰播郎牂牁夷等州其地北距克州百五十里東
距辰州二千四百里南距交州一千五百里西距昆明九百里
無城郭散居村落土熱多霖雨稻粟皆再熟無徭役將戰征乃
屯聚刻木為契其法劫盜者償其主三倍殺人者出牛馬三十
頭與其家以贖死疾病無醫藥但擊銅鼓銅沙鑼以祀神

交趾地理風土宋史

交趾本漢初南越之地漢武平南越分其地為儋耳珠崖南海
蒼梧鬱林合浦交趾九真日南凡九郡置交趾刺史以領之後
漢置交州晉宋齊梁陳因之又為交趾郡隋平陳廢郡置州煬

帝初廢州置郡唐武德中改交州總管府太宗端拱元年加黎
桓檢校太尉進邑千戶實封五百戶遣戶部郎中魏庠虞部員
外郎直史館李度往使焉太宗淳化元年夏加黎桓特進邑千
戶實封肆伯戶遣左正言直史館宋鎬右正言直史館王世則
又使焉明年六月歸闕上令條列山川形勢及黎桓事迹以聞
鎬等具奏曰去歲秋末抵交州境桓遣牙內都指揮使丁承正
等以船九艘卒三百人至太平軍來迎由海口入大海冒涉風
濤頗歷危險經半月至白藤徑入海汊乘潮而行凡宿泊之所
皆有茅舍三間營葺尚新目為館驛至長州漸近本國桓張皇
虛誕務為誇詫盡出舟師戰懼謂之軍自是宵征抵海岸至交
州僅十五里有茅亭五間題曰茅徑驛至城一百里縣部民畜
產妄稱官牛數不滿千揚言十萬又廣率其民混於軍旅以雜

色之衣乘船鼓噪近城之山虛張白旗以為陳兵之象俄而擁
從桓至展郊迎之禮桓歛馬側身問皇帝起居畢按轡偕行時
以檳榔相遺馬上食之此風俗待賓之厚意也城中無居民止
有茅竹屋數十百區以為軍營而府署湫隘題其門曰明德門
桓質陋而目眇自言近歲與蠻寇接戰墜馬傷足受詔不拜信
宿之後乃張筵飲宴又出臨海汊以為娛賓之遊桓跣足持竿
入水標魚每中一魚左右皆叫譟歡躍凡有宴會預坐之人悉
令解帶冠以帽子桓多衣花纈及紅色之衣帽以真珠為飾或
自歌勸酒莫能曉其詞嘗令數十人扛大蛇長數丈饋於使館
且曰若能食此當治之為饌以獻焉

流求國風土宋史

流求國在泉州之東有海島曰彭湖煙火相望其國墾耨三重

環以流水植棘為藩以刀稍弓矢劍鼓為兵器時月盈虧以紀時無他奇貨商賈不通厥土沃壤無賦歛有事則均稅旁有毗舍邪國語言不通袒裸盱眙殆非人類

榴花成酒 宋史

黎洞唐故瓊管之地在大海南距雷州泛海一日而至其地有黎毋山黎人居焉舊說五嶺之南人雜夷獠朱崖環海豪富無并役屬貧弱婦人服縵縵績木皮為布陶土為釜器用瓠瓢人飲石汗又有椒酒以安石榴花著甕中即成酒俗呼山嶺為黎居其間者號曰黎人

土產

夷狄之國所產物者

漢使取實來獻史記

宛左右多以蒲陶為酒富人釀酒萬餘石久者數十歲不败俗嗜酒馬嗜苜蓿漢使取其實來於是天子始種苜蓿蒲陶肥饒地及天馬多外國使來衆則離宮別觀旁盡種蒲陶苜蓿

哀牢出蘭干細布 後漢

哀牢夷明帝時置哀牢博南二縣哀牢人皆穿鼻僂耳其渠帥自謂王者耳皆下肩三寸庶人則至肩而已土地沃美宜五穀蠶桑知染采文繡罽毼帛疊蘭干細布織成文章如綾錦有梧桐木華績以為布幅廣五尺潔白不受垢汗先以覆亡人然後服之其竹節相去一丈名曰濮竹出銅鐵鉛錫金銀光珠虎魄水精瑠璃軻蟲蚌珠孔雀翡翠犀象猩猩貊獸

斯調國火布 魏書

斯調國有火州在南海中其上有野火春夏自生秋冬自死有

木生於其中而不消也枝皮更活秋冬火死則皆枯瘁其俗常冬采其皮以為布色小青黑若塵垢澆之便投火中則更鮮明也

崑崙墟火布 魏書

崑崙之墟有炎火之山山上有鳥獸草木皆生於炎火之中故有火浣布非此山草木之皮象則其鳥獸之毛也

南荒火鼠 魏書

南荒之外有火山長三十里廣五十里其中皆生不燼之木晝夜火燒得暴風不猛猛雨不滅火中有鼠重百斤毛長二尺餘細如絲可以作布常居火中色洞赤時時出外而色白以水逐而沃之即死續其毛織以為布

大宛汗血馬 晉書

大宛西去洛陽萬三千三百五十里南至大月氏北接康居大小七十餘城土宜稻麥有蒲陶酒多善馬馬汗血其人皆深目多鬚其俗娶婦先以金同心指_以為娉又以三婢試之不男者絕婚姦淫有子皆卑其母與人_正馬乘不調墜死者馬主出_飲具善_以賈爭分銖之利得中國金銀輒為器物不用為幣也太康六年武帝遣使揚顯拜其王藍度為大宛王藍度卒其子摩之_遣使貢汗血馬

大秦以金銀為錢 晉書

大秦國一名犁鞬在西海之西其地東西南北各數千里有城邑其城周迴百餘里屋宇皆以珊瑚為椽椳琉璃為牆壁水精為柱礎其王有五宮其宮相去各十里每旦於一宮聽事終而復始若國有災異輒更立賢人放其舊王被放者亦不敢怨有

官曹簿領而文字習胡亦有白蓋小車旌旗之屬及郵驛制置一如中州其人長大貌類中國人而胡服其土多出金玉寶物明珠大具有夜光璧駮雞犀及火浣布又能刺金縷繡及織錦縷罽以金銀為錢銀錢十當金錢之一安息天竺人與之交市於海中其利百倍鄰國使到者輒廩以金錢

林邑出產金貝南史

林邑國本漢日南郡象林縣古越裳界也後漢伏波將軍馬援開南境置此縣其國有金山石皆赤色其中生金金夜則出飛狀如螢火又出瑇瑁貝齒古貝沈木香古貝者樹名也其華成時如鵝毳抽其緒紡之以作布布與紵布不殊亦染成五色織為班布沈木香者土人所斷積以歲年朽爛而心節獨存置水中則沈故名曰沈香次淳若棧香

扶南國出產金寶南史

扶南國日南郡之南海西大灣中去日南可七千里在林邑西南三千餘里城去海五百里有大江廣十里從西流東海其國廣輪三千餘里土地洿下而平博氣候風俗大較與林邑同出金銀銅錫沈木香象犀孔翠五色鸚鵡其南界三千餘里有頓遜國在海崎上地方千里城去海十里有五王並羈屬扶南頓遜之東界通交州諸賈人其西界接天竺安息徼外諸國往還交易其市東西交會日有萬餘人珍物寶貨無不有又有酒樹似安石榴采其花汁停瓮中數日成酒

倭國異產南史

倭國其先所出及所在事詳北史其官有伊支馬次曰彌馬羅支次曰奴往鞮人種禾稻紵麻蠶桑織績有薑桂橘椒蘇出黑

雉真珠青玉有獸如牛名山鼠又有大地吞此獸地皮堅不可斫其上有孔乍開乍閉時或有光射中而蛇則死矣

扶桑以皮作錦 商史

扶桑國者齊永元元年其國有沙門慧深來至荊州說云扶桑在大漢國東二萬餘里地在中國之東其土多扶桑木故以為名扶桑葉似桐初生如笋國人食之實如梨而赤績其皮為布以為衣亦以為錦作板屋無城郭有文字以扶桑皮為紙

扶南火樹皮堪紡績 南史

扶南國東界即大漲海海中有大洲洲上有諸薄國國東有馬五洲復東行漲海千餘里至自然大洲其上有樹生火中洲左近人剥取其皮紡績作布以為手中與蕉麻無異而色微青黑若小垢澇則投火中復更精潔或作燈炷用之不知盡

高昌白疊子 南史

高昌國蓋車師之故地南接河南東近敦煌西次龜茲北隣敕勒其地高燥築土為城架木為屋土覆其上寒暑與益州相似備植九穀人多噉麵及牛羊肉出良馬蒲桃酒石鹽多草木有草實如繭繭中絲如細纒名曰白疊子國人取織以為布和甚軟白交市用焉

大秦神龜白馬 北史

大秦國一名黎軒多瑇瑁琅玕神龜白馬朱鬣明珠夜光璧西海水之西有河河西南流河西有南北山山西有赤水西有白玉山玉山西有西王母山玉為堂室

龜茲流膏 北史

龜茲國在尉犁西北白山之南一百七十里其國西北大山中

有如膏者流出成川行數里入地狀如餅餅甚臭服之髮齒已落者能令更生痛人服之皆愈

高昌赤白鹽北史

高昌者車師前王之故地也氣候溫暖厥土良沃穀麥一歲再熟宜蠶多五果人饒漆有草名羊刺其上生蜜而味甚佳引水溉田出赤鹽其味甚美復有白鹽其形如玉高昌人取以為枕貢之中國多蒲桃酒俗事天神兼信佛法國中羊馬牧在隱僻處以避寇非貴人不知其處

大食產龍馬唐書

大食本波斯地歲獻貴人蒲陶大者如雞卵有千里馬傳為龍種

拂菻出奇寶唐書

拂菻古大秦也其土多金銀夜光璧明月珠大貝車磔碼碯木難孔翠虎魄織水羊毛為布曰海西布海中有珊瑚洲海人乘大船墮鐵網水底珊瑚初生磐石上白如菌一歲而黃三歲赤枝格交錯高三四尺鐵發其根繫網船上絞而出之失時不取即腐

扶南出剛金唐書

扶南在日南之南七十里地卑窪與環王同俗有城郭宮室王姓古龍居重觀柵城楛葉以覆屋王出乘象其人黑身髮髮儼行俗不為寇盜田一歲種三歲穫國出剛金狀類紫石英生水底石上人沒水取之可以刻玉扣以殺角

吐火羅有神馬唐書

吐火羅或曰土豁羅元魏謂吐吡羅者少女多男北有頗黎山

其陽穴中有神馬國人游牧牝并側生駒輒汗血其王號葉護

地大洲產火珠唐書

環王東南至地大洲多馬亦號馬禮衣長數千里多火珠大者如雞卵圓白照數尺日中以艾藉珠輒火出產瑋瑁文螺石珉初取柔可治既鑊刻即堅有舍利鳥通人言俗黑身朱髮而拳鷹爪獸牙穿耳傳璫以古貝橫一幅繚于腰古貝草也緝其花為布粗曰貝精曰氈

吐蕃宜馬五代史

吐蕃國當唐之盛時河西隴右三十三州涼州最大土沃物繁而人富樂其地宜馬唐置八監牧馬三十萬匹

西夏土產遼史

西夏土產大麥華豆青裸床子古子蔓鹹地蓬實莢蓉苗小蕪

美席雞草子地黃葉登廂草沙葱野韭拒反蔣白蒿鹹地松實

閩婆國俗宋史

閩婆國在南海中其國東至海一月汎海半月至崑崙國西至海四十五日南至海三日汎海五日至大食國北至海四日西北汎海十五日至勃泥國又十五日至三佛齊國又七日至古邏國又七日至柴曆亭抵交趾遠廣州其地平坦宜種植產稻麻粟豆無麥民輸十一之租煮海為鹽多魚鱉雞鴨山羊無椎牛以食果實有木瓜椰子蕉子甘蔗芋出金銀犀牙箋沉檀香苗香胡椒檳榔硫黃紅花蘇木亦務蠶織有薄綃絲紋吉貝布剪銀葉為錢博易

拂菻國俗宋史

拂菻國東南至滅力沙北至海四十程西至海三十程東自

西大食及于闐回紇青唐乃抵其國歷代未嘗朝貢元豐四年十月其王威力伊靈改撒始遣六首領修斯都令斯孟判來獻鞍馬刀劍真珠言其國地甚寒土屋無瓦產金銀珠西錦牛羊馬獨峰馳梨杏千年棗巴欖粟麥以蒲萄釀酒樂有箜篌壺琴小篳篥偏鼓

占城物產 宋史

占城國在中國之西南東至海西至雲南南至真臘國北至驩州界汎海南去三佛齊五日程陸行至賓佗羅國一月程其國隸占城焉土地所出箋沉香檀榔烏楠木蘇木白藤黃蠟吉貝花布絲絞布白氎布藤篋目多葉罽金銀鐵錠等物五穀無麥有秔米粟豆麻子官給種一斛以可租百斛果實有蓮甘蔗蕉椰子鳥獸多孔雀犀牛畜產多水牛而無驢亦有山牛不

任耕耨但殺以祭鬼

自恃

倚恃本國之強者

宛國不肯予馬 史記

漢武帝時使者多言宛有善馬在貳師城匿不肯與漢使天子既好宛馬聞之甘心使壯士車令等持千金及金馬以請宛王一師城善馬宛國饒漢物相與謀曰漢去我遠而鹽水中數敗出其北有故寇出其南乏水草又且徃徃而絕邑乏食者多漢使數百人為輩來而常乏食死者過半是安能致大軍乎無柰我何且貳師馬宛寶馬也遂不肯予

詭詐

夷狄有詭譎虛詐者

阿保機智殺諸部五代史

契丹阿保機亦不知其何部人也為人多智勇而善騎射是時劉守光暴雷幽涿之人多亡入契丹阿保機乘間入塞攻陷城邑俘其人民徙唐州縣置城以居之漢人教阿保機曰中國之王無代立者由是阿保機益以威制諸部而不肯代其立九年諸部以其久不代共責誚之阿保機不得已傳其旗鼓而謂諸部曰吾立九年所得漢人多矣吾欲自為一部以治漢城可乎諸部許之漢城在炭山東南樂河上有鹽鐵之利乃後魏滑鹽縣也其地可植五穀阿保機率漢人耕種為治城郭邑屋屋市如幽州制度漢人安之不復思歸阿保機知衆可用用其妻述律策使人告諸部大人曰我有鹽池諸部所食然諸部知食鹽之利而不知鹽有主人可乎當不代諸部以為然共以牛

會鹽池阿保機伏兵其旁酒酣伏發盡殺諸部大人遂立不復代

兀欲執趙延壽五代史

兀欲東丹王子也兀欲妻趙延壽以為妹五月朔旦兀欲召延壽及張礪李崧馮道等置酒酒數行兀欲謂延壽曰妹自上國來當一見之延壽欣然與兀欲俱入食頃兀欲出坐笑謂礪等曰燕王延壽謀反鎖之矣諸君可無慮也又曰先帝耶律德先在汴州與我筭子一莖許我知南朝軍國事昨聞寢疾無遺命燕王安得自擅邪礪等罷去兀欲召延壽廷立而詰之延壽不能對乃遣人監之而籍其家貲

借擅

夷狄借妄而擅為者

社論強大 北史

社論與姚興和親魏道武遣材官將軍和突襲黠弗素古延諸部社論遣騎救素古延突逆擊破社論遠遁漠北侵高車深入其地遂并諸部凶勢益振北徙弱洛水始立軍法千人為軍軍置將一人百人為幢幢置帥一人先登者賜以虜獲退懦者以石擊首殺之或臨時捶撻無文記將帥以羊屎粗計兵數後頗知刻木為記其西北有匈奴餘種國尤富彊部帥曰拔也稽舉兵擊社論逆戰於頰根河大破之後盡為社論所并號為疆盛隨水草畜牧其西則焉耆之地東則朝鮮之地北則渡沙漠窮幹海南則臨大磧其常所會庭敦煌張掖之北小國皆苦其寇抄羈縻附之於是自號豆代可汗豆代猶魏言駕馭開張也可汗猶魏言皇帝也孺孺之俗君及大臣因其行能即為稱號若

中國立監既死之後不復追稱

耶律德光以晉王五子 五代史

遼太宗耶律德光時唐遣趙德均延壽救敵達而德均父子接兵圍柏谷不救德光謂石敬瑭曰吾三千里赴義義當徹頭乃築壇晉城南立敬瑭為皇帝自解衣冠被之冊曰咨爾子晉王子視爾猶子爾視予猶父已而楊光遠殺敵達降晉晉高祖自入居之洛陽德光送至滑州趙德鈞延壽出降德光謂晉高祖曰入事已成吾命大相溫從爾渡河吾亦留此俟爾入洛而後北臨訣執手噓歔脫白貂裘以衣高祖遺以良馬二十匹戰馬二百匹戒曰子子孫孫無相忘

高麗自立 宋史

高麗志曰高句麗禹別九州屬冀州之地周為箕子之國漢之

玄菟郡也在遼東蓋扶餘之別種以平壤城為國邑漢魏以來常通職貢亦屢為邊寇隋煬帝再舉兵唐太宗親駕伐之皆不克高宗命李勣征之遂拔其城分其地為郡縣唐末中原多事遂自立君長

暴雷

夷狄有之強暴而殘雷者

突欲吮血 五代史

兀欲東丹王突欲子也突欲奔于唐兀欲留不從號永康王契丹好飲人血突欲左右姬妾多刺其臂吮之其小過輒挑目封灼不勝其毒

麻谷酷雷 五代史

麻谷者契丹主德光之從弟也德光滅後晉以為邢州節度使

兀欲立命守鎮州麻谷兀酷雷多略中國人剝面抉目拔髮斷腕而殺之出入常以鉗鑿挑割之具自隨寢處前後掛人肝脛手足言笑自若鎮定之人不勝其毒

篡逆

夷狄之篡主自立者

林邑奴文自立 晉書

林邑國主范逸死奴文篡位文曰南西卷縣夷帥范雅奴也嘗牧牛澗中獲二鯉魚化成鐵用以為刀刀成乃對大石嶂而呪之曰鯉魚變化治成雙刀石嶂破者是有神靈進斫之石即瓦解文知其神乃懷之隨商估往來見上國制度至林邑遂教逸作宮室城邑及器械逸甚愛信之使為將文乃譖逸諸子或徙或奔及逸死無嗣文遂自立為王以逸妻妾悉置之高樓從已

者納之不從者絕其食於是乃攻大歧界小歧界武僕徐狼屈都乾魯扶單等諸國并之有衆四五萬人

惡逆

夷狄弑逆者

蓋蘇文弑君 唐書

高麗蓋蘇文者或號蓋金姓泉氏自云生水中以惑衆性忍暴父為東部大人對盧死蓋蘇文當嗣國人惡之不得立頓首謝衆請攝職有不可雖廢無悔衆哀之遂嗣位殘凶不道諸大臣與其君建武議誅之蓋蘇文覺悉召諸部給云大闕兵列饌具請大臣臨視實至盡殺之凡百餘人馳入宮殺建武殘其尸投諸溝更立建武弟之子藏為王自為莫離支專國猶唐兵部尚書中書令職云

兀欲幽囚祖母

五代史

兀欲為人雋偉亦工畫能飲酒好禮士耶律德光嘗賜以絹數千匹兀欲散之一日而盡兀欲已立先遣人報其祖母述律述律怒曰我兒平晉取天下有大功業其子在我側者當立人皇王背我歸中國其子豈得立邪乃率兵逆兀欲將廢之兀欲留其將麻谷守鎮州晉諸將相隨德光在鎮州者皆留之而去以翰林學士徐台符李瀚從行與其祖母述律相距于石橋述律所將兵多亡歸兀欲兀欲乃幽述律於祖州祖州阿保機墓所也

窮夷

窮極邊夷之遠者

契丹欲窮所見 五代史

契丹嘗選百里馬二十匹遣十人賫乾鈔之行窮其所見其人
自黑車子歷牛蹄國以北行一年經四十三城居人多以牛皮
為屋其語言無譯者不知其國地山川部族名號其地氣遇平
地則溫和山林則寒冽至三十三城得一人能鐵甸語其言頗
可解云地名頡利烏于耶壇云自此以北龍蛇猛獸魑魅羣行
不可往矣

邊害

夷狄寇邊為患害者

遼東西部落寇邊魏書

漢末遼西烏丸大人丘力居衆五千餘落上谷烏丸大人難樓
衆九千餘落各稱王而遼東屬國烏丸大人蘇僕延衆千餘落
自稱峭王右北平烏丸大人烏延衆八百餘落自稱汗魯王皆

身健中山太守張純叛入

刀居衆中自號彌天女

部烏丸元帥寇略青徐幽

四州殺略吏民靈帝末以

幽州牧慕容廆斬純首北州

定後丘力居死子樓班年

從子蹋頓有武略代立總攝

部衆皆從其教令素紹與

公孫瓚連戰不決蹋頓遣使詣

求和親助紹擊瓚破之紹

編制賜蹋頓難數瑁王汗魯王印

皆以為尊

論學中國立法

北史

魏道武謂尚書崔宏曰蠕蠕之人

米號為頑囂每來抄掠駕

牛奔遁驅犍牛隨之犍牛伏不

前異部人有教其以犍牛

易之者蠕蠕曰其母尚不能行而

其子終於不易遂為敵所

虜今社論學中國立法置戰陣卒

邊害道家言聖人盜

起信矣



